

सानसेयारि **“बड’सा”** खरीरालाइयाव सम्राज्यारि जिउजो लोखा थावाय रायथाय, खन्थाय, सल, सल’बाथा आरो दावबायारि थावनि, पार्क बाइदिनि सायाव लिन्नाय लिन्बिदां देथाय हर/सानसेयारि **“बड’सा”** खरीरालाइया खेबखानाबि फोसावगोब।

बड’सायाव लिन्नायबि हुबा खालाम,**“बड’सा”** खरी नोथां,जो बयबो आंगो खालाम।

**सानसेयारि बड’सा मावखलि**  
माइबं नोगोर, जोहोलाव दैमाला लामा  
कक्राझार, बिटिसि-783370  
Website: www.bodosanewspaper.com

# सानसेयारि

# बड’सा



BODOSA ★ A Bodo News Daily ★ Monday ★ 16 November, 2020 Kokrajhar, BTC, Assam ★ Vol.- 30, Issue No. 230 ★ R.N.I.Regd.No.40994/91, AssamGovt.Regd.No.IPRD.40/2006/13,★Rs.8/-

**प्रफुल्ल चन्द्र बरुवाआ**  
रुंसारि जाबाय

**नाभेम्बर:** गागि रि आरो आसाम सुबिथाय सामलाय गजिरा मोन्नाय आरो गुवाहाटी पाञ्जाबारिनि थागिबि प्रफुल्ल चन्द्र बरुवाआ बेरामजो नाखेब जानाई (□ 5 बिलाइआव)

**आमेरिकाआव**  
सानसेयावनो 1.77 लाख पजिटिभ केस मोन्दों

**वाशिंठन, 15 नभेम्बर:** मुलुगनि गेजेरावनो कभिड-19 (□ 5 बिलाइआव)

**बे बोसोरनिखुइ 2021**  
आव मुलुगनाइ आंखालआ गोब्राबिसिन जाहैगोनः जुथाय हादत जुथाय हादत ( एपि ), 15 नभेम्बरः मुलुगनां आदार आफाद (डब्लिउएफपि) नि गाहाय बिबानगिरिया (□ 5 बिलाइआव)

**कार्बि फरायसा**  
आफादआ नागालेन्डनि हेथायै रांखान्थि होबथानो फोसावदों

**डिफु, 15 नभेम्बर:** बिजय बेनि दैदेन्याय दुलाराय कार्बि फरायसा आफादआ सोलिफु नभेम्बर दाननि फैगौ 17 अक्टनिफ्राय (□ 5 बिलाइआव)

## दिनै बर’ थुनलाइ आफादनि गोथार जोनोम सान 16 नभेम्बर

**गुवाहाटी, 15 नभेम्बर:** बर’ थुनलाइ आफादनि गोथार जोनोम सान 16 नभेम्बर। बे सानखालिनो 1952 माइथायाव बर’ थुनलाइ आफादआ जोनोम मोन्दों मोन। बर’ थुनलाइ आफादनि बैसोआ दिनै 16 नभेम्बरवा 69 बोसोराव हाब्याय। जोनोम जाजेन्नायनिफ्रायनो गोबंथांर जेना-जेगोनोजो मोगा-मोगि जानानै फैनांनया बर’ थुनलाइ आफादआ दिनैसिम बे



थाखेयाव मोनफैबाय। दिनैनि बे गोथार सानाव साक्रोमबो बर’ फिसाफोरखो गावनि बिमानि रवे रइन्नायनो, लिस्नो हांखायहरदों

बर’ थुनलाइ आफादनिफ्राय। रव-थुनलाइ जोगानायजों लोगोसे गोजेन खोसेथियै हाबा मावलांनो थाखायबो बर’ थुनलाइ आफादआ बे गोथार सानजों लोखा लाखिनानै हांखायहरदों।

दिनैनि बे गोथार सानाव दाफुंजेन्याय समनिफ्राय जिउयै-माहामै बर’ थुनलाइ आफादनि जानानै हाबा मावलांनानै रुंसारि जालांनया गेदेमा सुबुंफोरनिमबो (□ 5 बिलाइआव)

## आलादा राइज्योनि एसेल’ गाहायाव बि टि आर एकर्डआ सा-सान्जा भारतनिनो बयनिखुइबो साबसिन एकर्डः दिपेन बर’



**बरमा, 15 नभेम्बर:** बागसा जिल्लानि दक्षिण बास्का एबसुनि बान्जानायाव दख’रा आफादनि सिङव थानाय मेलेम-जिवि आरो

गुबुन गुबुन हारि-माहारिनि गागि दैदेनगिरिफोरखौ लानानै अदालबारिनि कलारु भिष्णु राभा गोजो फरायसालियाव बि टि आर गोरबथानि सायाव “मेलेमजिवि” जथुम खुंनया जायो। दख’रा एबसु आफादनि आफादगिरि महत बर’नि दैदेन्याय खुंनया बे मेलेमजिवि जथुमखौ बेखेवनानै होयो दुलाराय बर’ फरायसा आफादनि बोसोनिगिरि मानगोनो मुधि खुंनया स्वर्गीयारी। मेलाव गाहाय आलासि महरै बाहागो लायो दुलाराय बर’ फरायसा आफादनि (□ 5 बिलाइआव)

## बि टि आर गोरबथानि दफाफोरा गासैबो हारि-माहारिफोरनि मुलाम्फानि थाखायसोः लरेन्स इस्लारी



**कक्राझार, 15 नभेम्बर:** कक्राजार जिल्लानि बिष्पुरी दख’रा एबसुनि बान्जानायाव ओन्सोलनि मेलेमजिवि आरो राइजो-राजाफोरखौ लानानै दिनै 12 नं मालिगावआव बि टि आर गोरबथानि सायाव गेवलां सावराय मेला खुलाडो। बिष्पुरी दख’रा एबसुनि गाहाय नेहाथारि जौलारी बसुमतारिनि मासि सामलायनयाव सावरायनाय बे मेलाव गाहाय आलासि महरै बाहागो लायो- दुलाराय बर’ (□ 5 बिलाइआव)

## बीर मुंख्लं हरधन चन्द्र रायनो जोबथा मान बाउबाय बीर मुंख्लंनि नख’रनो आसाम सरकारआ 20 लाख रांखान्थियारि मदत होगोनः गिबि मन्थि



दिसपुर, 15 नभेम्बर: जम्मु-काश्मीरनि उडि सेक्टरआव पाकिस्तानि सान्थिनि हरखाबै गाग्लोबनायाव जिउ बाउनाय भारतयारि सान्थि हान्जानि जवान आसामनि फिसा हरधन चन्द्र रायनि गोथै देहायाव जोबथा मान बाउयो गिबि मन्थि सर्बानन्द सनवालआ। दिनै गुवहाटीनि

दिसपुर, 15 नभेम्बर: जम्मु-काश्मीरनि उडि सेक्टरआव पाकिस्तानि सान्थिनि हरखाबै गाग्लोबनायाव जिउ बाउनाय भारतयारि सान्थि हान्जानि जवान आसामनि फिसा हरधन चन्द्र रायनि गोथै देहायाव जोबथा मान बाउयो गिबि मन्थि सर्बानन्द सनवालआ। दिनै गुवहाटीनि

## कक्राझार आयेन फरायसालियायाव आइ किउ ए सि दाफुंबाय

**कक्राझार, 15 नभेम्बर:** थानाय 1985 ई माइथायावनो गायसनजानाय कक्राझार आयेन फरायसालियायाव दिनैसिम सरकारी जायैनि जाहोनाव बायदि जेनाफोरजों मोगा-मोगि जानो गोनां जानानै दं। 36 बोसोराव आगान होनाय कक्राझार आयेन (□ 5 बिलाइआव)

## माजबातआव बिर्सा मुन्दानि 145 थि जोनोम सान फालिदों

**उदालगुरि, 15 नभेम्बर:** उदालगुरि जिल्लानि माजबात खुन्नाबारि गामियाव गुबुन बोसोरफोरनि बादि दिनैबो बिर्सा मुन्दानि 145 थि जोनोम सान फालिनाय जायो। खुन्नाबारि बिर्सा मुन्डा आफाद आरो लाइब्रेरीनि बान्जानायाव सानसेनि हाबाफारिजों (□ 5 बिलाइआव)



मिरु एबसुआ बिर्सा मुन्दानि जोनोम सानाव गाहाम हामब्लायथि हरदों

## बि टि सि आव बि जे पि सरकार फैयोब्ला भि सि डि सि नि गासैबो मावफारियाफोरखौ जेलआव दैथाय हरगोनः हिमन्त

**उदालगुरि, 15 नभेम्बर:** बि टि सि बिसायख थि खुंजानो गेजेराव माखासेल’ सान आद्रा थाबानाय समनि गेजेरावनो बि जे पि आ बि टि सि दख’ल खालामनो थाखाय फोसावदिनायखौ गोखोनिफ्राय गोखोसिन खालामनो हमदों। बि टि सि नि राज उलाफाद दख’ल खालामनो थाखाय बि जे पि दोलोनि जानानै राइज्योयारि बि जे पि नि आफादगिरि रन्जित दास,

दड। बे थंखियैनो दिनै उदालगुरि जिल्ला बि जे पि नि बान्जानायाव आरो ननै सेरफं मन्डल कमिटिनि मदतजों बि टि सि बिसायख थिनि थाखाय औरंगाजुली साहा बागाननि गेलेग्रा फोथारा मोनसे गिदिरथार फोसावदिनै मेला खुंनया जायो। बे मेलाव मन्थि हिमन्त बिस्व शर्माया गाहाय आलासि महरै बाहागो लानानै बुडेदि- बे (□ 5 बिलाइआव)

**दिल्लीआव कभिड-19 नि गिखंथाव थासारि मिरुनि नख’र मन्थिआ हरखाव मेल लिंथुमदों**  
24 घन्थाव 41 रोजा गोदान केस, सा 42 रोजा सुबुंफोरा मोजाडव फैफिनबाय

**गोदान दिल्ली, 15 नभेम्बर:** हादतनि गुबुन गुबुन राइज्योफोरनि गेजेराव गिखंथाव कभिड-19 नि गोसारनाय सायाव गोहोम गोर्लैनाय एबा खेफोदआ दासिम जोबनानै थाडखे। बेनि गेजेरावनो हादतनि राजथावनि दिल्लीआव कभिड-19 जों सुबुंफोरनि सायाव गोहोम गोर्लैनाय एबा सन्देरजानाय (□ 5 बिलाइआव)

**मिरु एबसुआ बिर्सा मुन्दानि जोनोम सानाव गाहाम हामब्लायथि हरदों**

**कक्राझार, 15 नभेम्बर:** दुलाराय बर’ फरायसा आफादआ ट्राइबेल दैदेनगिरि बिर्सा मुन्दानि 145 थि जोनोम सानाव गाहाम हामब्लायथि जासि हरदों। दिनै गांसे रादाब बिबुंसारनि गेजेरजों दुलाराय बर’ फरायसा आफादनि आफादगिरि (□ 5 बिलाइआव)

**सालाकाटि दख’रा एबसुआ मेट्रिक थाखोनि जर’खा फोरोंथाय बादो बेखेवदों**

**कक्राझार, 15 नभेम्बर:** फैगौ 2021 माइथायनि मेट्रिक आन्जद होनो होनां बर’ बिर्सा फरायसाफोरखौ जर’खा फोरोंथाय बादनि गेजेरजों साखा-फारा खालामनो सालाकाटि (□ 5 बिलाइआव)

**मुंख्लं हरधन चन्द्र रायनि खौरां लाहैदों मन्थि प्रमिला रानि ब्रह्मआ**

**कक्राझार, 15 नभेम्बर:** राइज्योनि समाज अन्साय बिफाननि मन्थि प्रमिला रानि ब्रह्मआ दिनै जम्मु-काश्मीरनि उरि सेक्टरव पाकिस्तानि हान्जानि गुलियाव जिउ गोमानाय मुंख्लं हरधन चन्द्र रायनि न’याव थानानै खौरां लाहैयो। मन्थि मुष्मिमा ब्रह्मआ दुखुथिया

**ट्रेकिंजों लोगोसे दावबायारिफोरनि थाखाय काजिरडानि बुरापाहार हाग्रा ओन्सोलखौ बेखेवबाय**

**बकाखाट, 15 नभेम्बर:** काजिरड महारियारि पार्कनि कहरा, बागारि आरो अगारतरि हाग्रा ओन्सोलखौ दावबायारिफोरनि थाखाय बेखेवखानायनि उनाव दिनै बे महारियारि पार्कनिनो बुरापाहार हाग्रा ओन्सोलखौबो दावबायारिफोरनि थाखाय

**पर्बतझर बियाबआव बि पि एफ दोलोनि बिसायख थियारि सुबुं गौमा हिमन्तनि बिटिसिआव फैनानै गाहाय खुंगिरि जानो सान्नाय सिमाड जाफुंसारनाय नडाः हाग्रा**

**कक्राझार, 15 नभेम्बर:** बिटिसिनि मोन 40 बियाबफोरव फ संनाय बिजाथिफोरखौ देहाहोनयनि थाखिजों गुबुन गुबुन राजखान्थि हान्जाफोरा दासान्दि बिसायख थि फोसावदिनाय, मेला-मिथिं खुंनयाखौ गोखेनिफ्राय गोखोसिन खालामनायखौ नुनो मोन्दों। बिटिसि बिसायख थिखौ

**बिजेपिनि जानानै बिसायख थि फोसावदिनाय प्रदेश कंग्रेसनि गाहाय नेहाथारिनो नटिस**

**गुवाहाटी, 15 नभेम्बर:** मन्थि हिमन्त बिस्व शर्माजों बिटिसि बिसायख थिनि फोसावदिनाय मेलाव बाहागो लानानै जेनायाव गोर्लैदों कंग्रेस दोलोनि दैदेनगिरि आरो आसाम प्रदेश कंग्रेस (□ 5 बिलाइआव)

**NERIM GROUP OF INSTITUTIONS**  
Estd. 1992

Affiliated to Dibrugarh University, Gauhati University & ASTU  
Approved by NCTE, BCI & AICTE, MHRD, Govt. of India

Admissions open for all the programmes through Online and Offline mode.  
Admission shall be made as per prescribed regulation of the concerned University.

|                             |   |
|-----------------------------|---|
| <b>MBA</b>                  | <b>M.Com</b>                                  |
| <b>MCA</b>                  | <b>MA</b> (App. Psychology)                   |
| <b>M.Sc.</b> (Computer Sci) | <b>MA</b> (Education)                         |
| <b>MSW</b>                  | <b>B. Ed</b> GU Entrance Test on 29th, Nov'20 |
| <b>LLB(H)</b>               | <b>LLM</b> Online class is also allowed       |

For working personnel: 1. MBA (Part Time) 2. PGDM  
Online class on Saturday & Sunday

Under Graduate courses :  
**BBA BCA B.Com(H) BSW BALLB(H)**

For outstationed girls: A delux hostel (single seated rooms with AC, TV, Attached bath, hot water provision) is available.

For details, kindly visit our website Or may contact Admission Counsellor on  
9864750000 / 9954190758 / 9954051419

Prof. (Dr) Sangeeta Tripathi, Director, NERIM  
Padma Nath Sarmah Bhawan, Jayanagar, Khanapara, Guwahati -781022  
[www.nerimindia.org](http://www.nerimindia.org) [nerimindia@gmail.com](mailto:nerimindia@gmail.com)

## सुजुगिरिनि खोलोम

### हाग्रा सोरजिनो बिफां फुलि गायनायनि हुदा

सुबुं समाजाव मोनसे हुदाखौ अरायसम नुनो मोनो, बेनो जाबाय हाग्रामा एवघांनय आरो दंफां दानघांनय। गामिनि सुबुंफोरनि बाश्चाल' नड टाउन सहरनि सुबुंफ्राबो सुबिदा लाना हाग्रामाआव हाबहैना दंफां दानना लाबोनाय आरो गुबुन्नो फानहरनाय हुदाखौ गोदो गोदायनिफ्रायनो नुबोगासिनो दड। दिनैसिमबो सुबुं समाजआव बेनि गोथौयै रोदा सुनाय हुदाखौ नागारनो हायाखै।

मानासनि सुबुंफोरनि बाश्चाल' नड, जिउ जुनार दाउसिन दाउला, एमफौ एनला बयनिबो थाखाय हाग्रामा, दंफां लाइफांनि गोनांथार। जिउ जुनाराबो हाग्रा बंग्रा, दंफां लाइफां नडबा जैरै थाउरिनो हाया, मानसि माहारियाबो जिउ खानो हाया। मिथिगानि सोर्जिनयनि मादाव दंफां लाइफां, हाजो-हाला, दैमा दैसा, दैमु बाइदिसिना नडबा जिउ जुनातफ्रा दसेनि थाखायब्लाबो थाना थानो हाया। हाग्रा बंग्रा, दैसा दैमु गैयाबा बुहुमनि आबहावाआबो जिउ जिराद थाना थानो हायै बाइदि गुबुंले जागोन।

सुबुं समाजा दंफां लाइफांनि सायाव जैरै बाइदि सोनारो बेखौ साननो रोंब्ला हाग्रा बंग्रानि सायाव बे रोखोमनि अनगार अत्यासारा जानाय नडामोन। हाग्रामाआव दंफां लाइफांनि अनगायैबो गोवां रोखोमनि जुनार, दाउसिन दाउला, एमफौ एनला, मैगं मैला, थायो। गामिबखौबो मानसि माहारिनि गोनां जिउ खानायाव नांगौ। सुबुं समाजा नांगौखौल' मिन्थिनो रोंबाय नाथाय, बेफोर गोनां मुवाफोरखौ रैखा खालामनो दासिमहालागै सोलोइखिसै मानो?

मोनसे सोनान फैंयो, दंफां लाइफांखौ दानघांनो सोलोनों हागौबा, बेफोरखो गायनो सोलोनों मानो रोंदिया? गोदो गोदाय आबै आबौमोननि बिबै बिबौफ्रा गायना गालानाय दंफां लाइफांफोरखौ हागौमानि जौ दानघांन जोबबाय जाय जैरै हागौ एरै। हाग्रामा गैयालाय जिउ जुनार, दाउसिन दाउलाफ्रा थानो जायगा मोनैलाय गामि गामि हाबफैना बुथारजाबाय। कम्पिउटर, इन्टरनेट मुगानि सुबुंफ्रा सानखानो रोडाखिसै जौ थानो जैरै न'बां नांगौ, जुनारफोर थानोबो हाग्रामा नांगौ। जौनि जायगाआव जा जालांबाय जालांबाय, इयुन जोलैफोरनो दंफां लाइफांनि गोनांथिनि सोमोन्दै मोजाडै गियान होनांगोन आरो बेफोरखौ मात्रै गायनांगौ, फोथांनगौ, फेदेरनांगौ, राहोनांगौ, आरो मात्रै रैखाथि होनांगौ, गोथौयै फोरोंनांगोन, मिन्थिहोनांगोन, दंफां लाइफां, हाग्रामा थायाब्ला जौंभो थाना थानो हानाय नड बे बुहुमाव।

## दिनेनि फानजामुधि

### राशि बाइदियै मुनि गिबि हांखो

मेष : अ ल बृष : ऊ ब (उ ए इ) मिथुन : क छ (ड घ) कर्कट : ड ह सिंह : म ट कन्या : प ट (ण ष) तुला : त र बृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

**मेष:** बायदिसिना सानानै गोसोयाव गिखानाय फेनो हागौ। गोसोखौ लोरबां खालामनो नाड।

**बृष:** मानिबा थाखाय रां खरसा खालामनानो हागौ। आखाइयाव थानाय राड जोबघांनो हागौ।

**मिथुन:** जेखि मावा रांनि आय खालामनो हागोन। फारफ्रोमबो मोजां।

**कर्कट:** मानिबा जाहोनाव दुखु-दाहा सैनांनो हागौ। गोसोखौ गोजोन्नय मोनै मोनगोन।

**सिंह:** सोरजौंबा निन्दा होजानो हागौ। गोसोयाव दुखु मोनखानो हागौ। गोसो ह्यमथानां थ।

**कन्या:** हरखाबै माबा मोनसे मुवा-बेसाद मोन्नायनि आशा दं। गोजोन्नय मोनगोन। मोजां सान।

**तुला:** बेफार-फालांगि खालामनायाव मुलाम्फा मोन्नो हागोन। मोजां सान।

**बृश्चिक:** फिसाजलानि माबा मोनसे मोजां खौरां मोन्नो हागोन। जैरैबो मुलाम्फा खालामनो हागोन। मोजां सान।

**धनु:** गोबाव समनिप्रय आशा खालामबोनाया मोगथाडव जाफुंसारगोन। गोसोयाव रंजाखानाय मोनगोन।

**मकर:** जेखि जाया मोजां हाबा मावनानै लानो हागोन। फारफ्रोमबो मुलाम्फा मोन्नो हागोन। मोजां सान।

**कुम्भ:** अनलायनायनि गेजेरजौं मुलाम्फा खालामनो हागोन। नख 'राव जौगानाय फेगोन।

**मीन:** जैना थानायफोरा गोजान जानानै थागोन। गोजोनै थानो हागोन। मोजां सान।

# राय साहाब जगत चन्द्र मेच

मुषि धनन्जय बसुमतारि ( दतमा ) नि सुजुनानै दिहुन्नाय 'गोसोखांथाव बर' सुबुंफोर' मुनि बिजाबनिफ्राय बे लिरबिदांफोरखौ फोसावनो लानाय जादों।  
सुजु आफ्पाद-

राय साहेब जगत चन्द्र मेच मौजादारनि न'आ सिगाडव बिजनी दख 'रनि सामगाव सौद्रिपारा होन्नाय गामियावमोन। बे गामिया बिजनी रेल स्टेसननि साहा माइल मोनबासो गोजान। उनाव 4थं खन्द 'सिदली मौजानि खोला पाटगामियाव खारबोदोंमोन। सिगाडव बिजनी तहसिल अफिसआव खाजना खांग्रा मुहुरिमोन। बिथाड लेखाखौ गोजू फ्रायमारिसिम फरायदोंमोन। पाटगामियाव खारबोनानै उनाव मौजादार बिबान मोनफैंयो। बै सामगाव सौद्रिपारा मुज जगत सौधुरी मुनिफ्राय सौद्रिपारा मुथिजादों।

बर 'फोरनि गेजेराव बिथाड सासे मुंदांखा गोलवा मानसिमोन। लेखाया बारा बुरजा नडब्लाबो सासे मुंदांखा गेदेत मानसिमोन। बिथाड गावनि गोहो मेलेमजों मौजादार जानानै बृटिस सरकारा बाहादुरनिफ्राय "राय साहेब" उपाधि होदोंमोन। बिथाड गावनि हारि आरो हारिमुखौ गुबुन हारिफोरनि गेजेराव गोगो महरै दिन्थिनो नाजादोंमोन। बिथाड जेब्ला ब्रैथि खोन्दो चिदली मौजानि मौजादारमोन। बे समाव ई 1913 माइथायाव आसाम प्रदेशनि बडनिबो सिगां सिप कमिसनार सार आर्सदेल आर्ल साहेबा कसुगाव रिजाभ हाग्रायाव सिखार खालामनो फेदोंमोन।

सिफ कमिसनार साहेबजों लोगोआव कसबिहारनि महाराजा आरो गौरिपुर, बगरिबारनि जमिदार मोनहाबो फेफादोंमोन। सिफ कमिसनारनि मैहुर हान्जाया दानि सेरफांगुरि थाना आरो हाथाइसालिनि सोनाबहा कल 'बारि होन्नाय बर' गामि खाथियाव हेल दै सेराव सावनि लुफेदोंमोन। कसबिहारनि राजाया 200 मैदर लाबोफानानै मैहुर हान्जायाव हेफाजाब होफेदोंमोन। गौरिपुर आरो बगरिबारनि जमिदार मोनहाबो गासै 30 मा मैदेर लाबोफादोंमोन। जगत मौजादारा सिफ कमिसनारनि मैहुर हान्जाखौ बानजायनो बान्जाय आफादबो दादोंमोन। बे बान्जाय आफादआव सिफिराम बर', जिनाराम बर', माटा हालां, थान्दाराम बर' मौजादारा सुच्यं नारायन बर' (हाथि राजा) आरो गोबां। बान्जाय आफादनि हे फाजाब लानानै जगत मौजादार राय 'तफोरनिफ्राय मायरं, फिथाय-सामथायनि मैगं-थायगं, दाव-अमा, थाइलिर फिथाय खालायनानै सिफ कमिसनारनि बादायाव ज'थाय हैदोंमोन। धुबुरी ल'केल बर्ड अफिसनि सरदेन्दु दत्त आरो लाल महन गुह होन्नाय सानै बाडली मावफारिनि हेफाजाबे गांसे अभिनन्दन बिलाइ ईराजी रावयै लितनानै साफायहोनानैबो लादोंमोन। बे समाव जगत मौजादारनि फिसा हौवा रमेस चन्द्र मुसाहारीआ सेंग्रा गेदेर जाबायमोन। रमेस चन्द्रआ बे समाव धुबुरी हाइ स्कुलआव फरायनाय डाइन थाखोनि फरायसामोन। सिफ कमिसनारनि सिगाडव अभिनन्दन बिलाइखौ फरायनो

थाखाय रमेस चन्द्रखौ अखाफोर दानसे थालिम होदोंमोन। मोजां गस्ता-गामसा गानहोनानै गोथां गावनि सिलक सादर खर' खाउखानानै सिफ कमिसनारखौ बानजायनो अभिनन्दन बिलाइखौ फरायदोंमोन। सेंग्रा गाजोला रमेस चन्द्रआ गन्थं-मोखां गेबें गुफुर गोजू जोबोदैं नायनो मोजां जालाडदमोन। गोथां गावनि फालि खारखानायजों बियो जोबोद समायथारदोंमोन। एसेबां गोबाव थालिम होनायखाय बरायथि बिलाइ फरायनायनि राव देखोआबो गामाहा जाथारदोंमोन। सीफ कमिसनार आर्सदेल आर्ल साहाबआ जोबोद खुसि जाथारदोंमोन आरो गोबां साबायख 'रबो मोनदों। बर 'फोरनि बेबायदि बाख्नायथाव आखल-आखुखौ नुनानै बिथाड सोलेंथायनि राहा मोनबा सानसे बर' हारिआ जौगानायनि लामायाव गोखै दावगानो हागोन होन्नानै बुंलादोंमोन। सिफ कमिसनारनि बादायाव मोनसे दिन्थिफुंसालि (Exhibition) खालामानानै बेव बर 'फोरनि दानाय-लुनाय, इन्दिजि, दखना थाउसि, बायदि बायदि आगर एरनायनि सि-जोम, फालिफोर दिन्थिनाय जादोंमोन। नांगोल, जुंगोल, सेन, खखा, फल', खफ्रि, उवाल, गायहेन फोरबायदि बर 'फोरआ रायजो जानायाव बानायग्रा आइजें-आइलाफोरखौबो दिन्थिनाय जादोंमोन। बे दिन्थिफुंसालिखौ नुनानै सिफ कमिसनार साहेबा जोबोर खुसि जालांदोंमोन। जानो हागौ बर 'फोरनि (Exhibition) दिन्थिनाया बेनो गिबि।

जगत मौजादारनि बान्जायनाया बेफोर हाबायाव मोजाडै बाख्नायथाव जाफुंनयलाय सीप कमिसनार साहाबा जोबोत खुसि जानानै स'नानि मेदेल गंसे होलादोंमोन। सिप कमिसनारआ जगत मौजादारनो राय साहेब उपाधिबो होलादोंमोन। बर 'फोरनि गेजेराव रावबो बेबादि उपाधिखौ मोनाखै। जगत मौजादारनो बर 'फोरनि गेजेराव नायव'-जाल' सासेल' राय साहेब। बनिफ्रायनो जगत मौजादारखौ राय साहेब जगत चन्द्र मेस मौजादार होन्नाय जायोमोन। उनाव बिथांखौ अनारी मेह्लिजस्ट्रेट खालामानानै पुलिस इन्सासबो खालामो। आनख्लास फरेस्ट-इन-सार्ज आरो आनख्लास ग्रेजिं रिथिनिउ खालेकटरबो खालामो। गावनि मौजा एलेखायाव थानाय सौखिदारी टेक्स खांग्रा मेम्बार, सहखारि मेम्बार, सौखिदारी गासिबो राय साहेब जगत चन्द्र मेच मौजादारनि सिडवमोन। एलेखायाव गोदान गथ' उजिनय, सोरबाफोर थैनायफोरनिबो हिसाबफोरखौ राय साहेबनिथावनो हैनांगौमोन। हरखाव जाब्र 'थाय (खैफोद हरखाब) जैरै-जिबौ सौनानै थैनाय, अर खामनानै, दैयाव गब'नानै, मोसा-मुफुर अर जानानै थैनाय बायदि बायदि खौरांफोरखौबो हाट-सिता बहियाव लिरहो हैनांगौमोन। बिदि थैनायनि सह 'फोरखौ आन्जाद नायनानै सावनो एबा फबनो हुकुम होनायनिबो गोहो दंमोन। फिसा-फिसौ दाय नांनय बुलायनायफोरखौ बिजिरनानै होनायनि गोहो मोन्दोंमोन। आनख्लास हाग्रानि साल, सुमलिफोरबायदि आवखाद दंफांफोरनिबो फार्मिट होनोबो हागौमोन। हानि खाजोना खानायनि

अनगायैबो मोसौ-मैसोनि बाथोन लाखिग्रा, धि-माखनि फालांगि खालामग्रा फोरनिबो खाजना खानायमोन।

ब्रैथि खोन्दो सिदली मौजानि अनगायै उनाव गसायगाव सिरां मौजानिबो मौजादार जादोंमोन। बृटिस सरकारनि गोबां गामाहा हाबा मावनानै गोबां साबायखरबो मोन्दोंमोन। बे समनि बर' मौजादारफोरनि गेजेराव राय साहेब जगत मौजादारनो बडनिखुडुबो साबसिनै मौजाखौ खुंलादोंमोन।

बर 'हारिनि जौगाखानायनि थाखायबो बिथाड गोथौयै सान्नायमोन। जैरै- गैजारडैबर' फरायसाफोरखौ मदत होनो थाखाय आरो माहारीनि गामाहा हाबा मावनो थाखाय सान्दा खानानै मोनसे फान्ड एबा थुबिल फसदोंमोन। आन्दासआव बे थुबिलआ रोजाबासो रं बुधुमदोंमोन। बे रांखौ पस्ट अफिसआव दोन्दों। धुबुरीयाव फरायनाय बर' मेस फरायसाफोर थानाय राहा खालामनो डिफुटि कमिसनार ए.जे. लेइ साहेबनाव आर'जलाय गथायो। साहेबआ बे मन्जुरखौ मानिनानै 15 सा बर' फरायसाफोर थानाय मेस बर्डिखौ धुबुरीआवनो फसदोंमोन।

ई 1911 माइथायाव इंग्लेण्डनि बाथि जर्जनि राजमुकुत गानाय समाव दुलाराय भारतबर्षनि फरायसाफोरनो भारत सरखारा रुपानि मेडेल गंफा-गंफा होदोंमोन। राय साहेब जगत मौजादारा गावनि हालामनि फरायसाफोरनो गावनि आखायजों बे मेडेलफोरखौ रान्ना होनायनि बिबान मोन्दोंमोन। राय साहेब जगत मौजादारा बर' हारिनि गेजेराव सोलेंथाइ फोसावनो हल्दु गामियाव गंसे एम.इ. फरायसालिबो फसदोंमोन। बे फरायसालियाव मनाकसानि सुजं नारायन ब्रह्मआनो गहाय फोरोंगिरिमोन।

राय साहेब जगत मौजादारा धोरमनि थिलियावबो बर'हारिखौ बोखानो आरो दावगाहोनो हास्थायदोंमोन। जेब्ला गुरुदेव कालिचरणआ बर'फोरनि गेजेराव ब्रह्म धोरमखौ फोसावयो, बे समावनो बिथाड ब्रामन गसायनिफ्राय सरण लानानै बर'फोरखौ सरनिया जाहोनो हास्थायदोंमोन। नाथाय गुरुदेव कालिचरणनि नाजानायाव ब्रह्म धोरमआ बर' माहारियाव गोदान दोहौ देखानायाव बिथानि बे हास्थायनाया मोखथाडव बारा दावगानो हायाखिसै। कालिचरणआ सतगुरु श्रीमत शिबनारायन परमहंसनिप्रय ब्रह्म धोरमखौ रेंग 'थि आरो दिक्षा लाननै बर'फोरनि गेजेराव बिखा फोरदाननानै फोसावनाया शरनीया जानायखौ गथेनानै दोनो।

बर 'फोरनि गेजेराव गोबां मानसिफोरनो बै समाव मौजादारनि बिबान मोन्दोंमोन। बिसोरनि मुज जैरै जेन्ना मौजादार-नैथि खोन्दो सिदली। भबेन्द्र मौजादार-थामथि खोन्दो सिदली। बाहादुर मौजादार बाथि खोन्दो सिदली। थान्दाराम मौजादार-सेरफांगुरि। दिनेस मौजादार-ड' थि खोन्दो सिदली बिथांमोनहानो। बिथांमोननि गेजेराव जगत मौजादारनो साबसिन गावनि मौजाखौ खुंलादोंमोन। ई 1924 माइथाय आनदाजआव 82 बोसोर बैसोआव बिथाड रंसारि जायो। बिथाड गोगलैसोनाय बर' हारिखौ जौगाखानायनि गोबां हाबा मावलादों। बर'फोरनि गेजेराव सोलेंथाइ बिथिनि राहा होलांनयाबो बिथांखौनो मुख'थावो।

सुंद' सल'

-दिनेस गयारि

# माबोरै बावलांनो

संसारव जोनोम मोनोब्ला साफ्रोम

सुबुंफोरनि गोसोआव सोरबा अनजालि एबा अनजालुजौं जुलि जानानै गोजोन राइजो जालानाय आलो आलो जिउ खुंलांनयनि सिमाड सुबुंनि जौमोन बैसोनिफ्राय गोसोआव बेरखां फैंयो। सोर अनजालि एबा अनजालुआ गानि जागोन, सोर अनजालिया सोर अनजालुजौं जुलि जाना मा बाइदि अननाय होलायनानै गोजोन राइजो जालांगोन, बे बाइदि साननायफोरा साथिफबनानै सेंग्रा सिख्ला बैसोआ जायो उरां-फारां। नंगौ बुहुमाव सुबुं माहारिया थारैनो अननायनि दौलेंजों खाथाव जानाय। सेंग्रा सिख्लानि बेलायावबो बे बाइदिनो सोरबा सासेआ सोरबा सासेनो अननाय होलायनानै गोसो बावलायनानै गोजोन हास्थायनायाबो फ्राइ सुबुंफोरनि गेजेराव रोखा। बिदिनो आंभो गोजोन हास्थायदोंमोन बारसिखौ लाफाना। बियो आंनि नसुंसे गामिनिनो। बारसि मोनिहा 1 नं बारघाग्रा गोगलैयो। आंनिहा 2 नं बारघाग्रा। उन्दैआवनो बिमा थैजाना बिफा जगा, बिदा जांखिखां आरो बिब' रिना मोनि अननायाव देरबोदों। दुखुथिया बारसिनि आखल आखुआ थारैनो बाखोनायथाव, नोरम मावनाय दांनय, दानाय लुनाय, खेराय मोसानाय आखा फाखा। जानला मोनला गान सिनेमा, फुजा फोरबोफोराव गोबांदाय बेरायबाया। आं बारसिखौ सिगांनिफरायनो गोसोजों सिरियै मोजां मोनबोदों। बुंनो थांब्ला गोजू फरायसालिनिफ्रायनो। थैवबो गिनाय लाजिनयजों आंनि मोजां मोननायखौ बारसिनि सेराव बुंफुरनो हायाखै। बिनि जाहोनाव आंहा बेसेबा दुखु सुखुनि हांमा सुरांदों। थैवबो आं सानसे बारसिनो आंनि मोजां मोननायखौ फोरमायगोन। बारसिया सानसे आंनि जिउनि लोगो जाथारगोन। बारसिखौ सानसेब्लाबो जुलि लाथारगोन साननानै आं

गोसोनि दुखुखौ होखारदोंमोन। आं सानोमोन बारसिखौ मोनोब्ला थारैनो गिदिर फरायना गोरों सुबुं जाना जिउनि उदांभ्रिखौ लाबोग्रोंगोन। गावनि आधिडाव गावनो गसंथानो हानाय जानांगोन। बारसिनि फारसे सानहरना बिदिनो सिगाडव गिदिर थांखिलाना नाजाबोदोंबो आं (8) थाखोनिफ्रायनो। समा थाडो खोन्दो खोन्दो। बारसिनि थाखाय दोहो दोहो खामगिलनाय गोसोआबो बारनिफ्राय बारासिन जालाडो। समाइनानिफ्राय समाइनासिन नुबोदों आं बारसिखौ। जानाय लोंनाय, मावनाय दांनय, बेराइनय गासै समावनो बारसिनि महर मुश्री आखल आखुआ आंनि गोसो मेगनाव बेरखां फैंयो। लामा दथखायाव खन्थाय सुजुयो, बारसिनि मुडैबोदोर गोसोजों। मोजां मोननायखौ बारसिनो फोरमायनो आंहा उसाव बादाव। नाथाय जेब्ला आं बिनि गोसोजों। मोजां मोननायखौ बारसिनो फोरमायनो आंहा उसाव बादाव। नाथाय जेब्ला आं बिनि सेराव थाडो रावा ओंखारा। बुंसनो हाया दुखु गोनां गोसो गोबौंनि खोथाखौ। बारसिनि फाव फेसन मावनाय दांनय बाइदि बाइदि रंजानाय आरो बिनि मिनिस्लुना बुंनय फ्रंकोंभो रावआनो आंनि गोबौंआव गुथार सोमजि होबोदों। बे बाइदिनो माखासे सान उसु खुथुयै समजों गोरबना दावगा लांफाना आं जि थाखोआव मोनफैंयो। बारसिआबो आंनि थाखोसे उन गु थाखोआव आगान होयो। आंहा रंजानाय फैंयोदि मानोना फैंगौ माइथायाव नो मेट्रिक आन्जादआ जागोन। बेनि थीखाय आं थियारि जाथारनांसिगौ। अरनि खाथियाव थायोब्ला लाहायाबो आवलि लाडो होन्नाय बादि बेसेबांबा गोबावनिफ्राय बारसिनि फारसे दोहो दोहो खामगिलबोनाय गोसोखौ बुरखायनो हायाखिसै। सोरबा गुबुन अनजालुजौं मोजां मोनन्त्यानो हागौ

सानना आंहा गिनाय साथिफबदों। जानाय नला सानना ब्रा ब्रायैनो मान सनमानखौ नेवसिना, लाजिनयखौ दोनना मेगननि मोदैखौ सियाहि खालामनानै बारसिनि मुडै आंनि गोसोनि जाथायफोरखौ फोरमायनो गांसे लाइजाम लिरो। आंखौ बारसिया मुँथारोबलाथ' राहायानो गैया। मुगैया मुजुआ गावनि सानोब्ला बियो जाथोंसे आंनि देरहानाय। बिदि सानना आंनि लोगो अजयनो आं लाइजामखौ बारसिनो है नो थिननायसै। जोबोथ रंजाथाव बाश्चा, आं लाइजाम हरनायनि साननैसो उनाव बारसिनि फिन लाइजाम मोनो। बारसिनि रैसुमै गो दै रावजों आंखौ मोजां मोनो होनायाव बेसेबांवा रंजानाय मोन्दों आं। ऐदिनखालि जानो लोंनो खहाव लायाखिसै। हर गेजेर बारलाय लांब्लाबो उन्दुनो ओंखाराखै। ओरैबा ओरै बिसिनयाव सानेरदों। लाइजामखौ फरायनानै बारसिनि फारसे आंहा बाइदि बाइदि सानफ्लादों। बारसिनिफिम आंहा अननाया गोथौंसिन जालांदों। जेन' आं बारसिजों लोगोसे संसाराव राइजो जालांगसिनो दं। उसु खुथु हरखौनो माब्ला सोरांगोन मोनदों। मोगथाडव लोगो हमना बारसिजों सावरायनो। जैरै साननाय एरै खामानि। अखानायै फुनि गु बाजिसोआव बारसिया दुगैनो थांदों गामिनि सानजाहानो गुरुमारा दैसा गाथोनाव। बियो गाथोननि फारसे बिफाडव बार जाथाव जिययदों। बारसिनि सेराव थांना मा राव होनो, मा होन्ना गाबजिनो सासु मासु जाबाय आं। थैवबो गोसोखौ दाद खालामना राव होनायसै आं। दुगैनो फेदों बारसि ? औ दुगैनो फेदों। बारसिया फिनो। बारसिनि सेराव जिरायनानै मोखाडव नायना सोडो आं। बारसि नों आंनो मैया अजयनि आखायाव लाइजाम हरनाया सैथो दा ? बियो आंनि फारसे मिनिस्लुयो। फरायखांबायब्लायाय सौलाय

बावनांगौ ? मा दं बिदि बुंन गंसियो बियो। बारसि नौनि अनगा आंहा रावबो गैया। नों आंखौ नेवसिनो मोननाय नड। बियो आंनि सिम मिज्जौ नायो। बारसि नों मोजाडै फराय। गोसोआव दुखु दाला नौनि गोबौंआव दुखु जानायखौ आं लुबैया। नों अराय मिनि सोरां। नौनि अननाय मोन्नायानो आंनि देरहानाय, जौगानाय नों आंखौ नेवसि... बारसिया होन्थेयो आदा। नों जिंगा दासि आं नौनिखा, सानसे जाफुंगोन नों आदानि सिमाड। नौल' मोजाडै फरायग्रोदो। हानायखिनिखौ आं नाजागोन बारसि। बे संसाराव इयुन जीउखौ गोजोन दानो। बिदि बुंन बारसिनि आखायखौ ह्यहरो आं, बारसियाबो आंनि आखायाव हमना गोसो हगार जासे सानैजों मोखांजों मोखां नायहाबना उनाव बारसिया बुडे- आदा।...

जौं सानैजों बै साननिफ्रायनो सम सम लोगो हमना रायज्जायदों आं गोसो मोदोम हगार सारना। गान सिनेमा लोगो हमदों, मिनिखुसि हालो दैलो थांथारदों जौनि मोजां मोनलायनाया 7 दानसो। जुलाइ दान हाबजेनो सानसे आं सानजौफुनि आदार जाखां लोंखां न' सरनि फांसे गेरैमसा बिफां सिडव जिरायना सानस्नियारि बड'सा रादाव बिलाइ फरायबाय थानाय समाव अजया जौंहानाव साइखेलजों खिलं खिलं बेल होना हाबफैंयो। माबार माबार साइखेलखौ स्टेन होना बियो आंखौ गाबजियो समर न' आव दना ? औ दं नै बेयाव जिरायदों, आं लेंहरो बिखौ फै बेयाव जिरायफै होन्ना अजयखौ। अजया जिरायफैनायसै। आंसोडो, अजय मा खौरां ? बियो फिनो दा सान्दै मोजां आरो गाजिनि गेजेरावनो दंथयो। हा नौना लायथो ? बारसिनि खौराड मात्रै सोलिदों ? अजयनि बिदि सौनायाव आं फिनो, आंथ' गाहामैनो दंथयो। दाखालि आमामोनाव ( 6 बिलाइआव)

## नागा जेंनानि सायाव सावरायनो थाखाय थाबैनो मनिपुरआव दावबायहैगोन अमित शाहआ

इम्फल, 15 नभेम्बर: राजखान्थि महैरै मख'जाथाव नागा आयदानि सायाव गुबुन गुबुन हान्जाजों सावरायलायनो थाखाय मिरुनि नख'र मन्थि अमित शाहआ बे दानआव मनिपुरआव दावबायहैगो हागौ। नागालेण्डनि गिबि मन्थि नेप्यु रिय'नि सासे बिबानगिरिनि बादिब्ला, शाहनि दावबायनायखौ सामलायनो थाखाय आसामनि रांखांथि आरो देहा मन्थि डं हिमन्त बिश्व शर्माया सानथाम सिगां हरखाबै कहिमायाव सौफैदों आरो गिबि मन्थिजों बन्द जानानै थानाय रूमआव गोबाव समसिम जथुम्मा खुंनानै सावरायदों। सुलुंनि बादिब्ला, शाहआ बिबानो नागा आयदानि थासारिखौ नायबिजिरनो बिबान होदों। मनिपुरनि गिबि मन्थि एन बिरेन सिंआ इम्फलआव नख'रारि



मन्थिनि दावबायनायखौ रोखा खालामनानै बुंदों, शाहआ नागा आयदानि सायाव सावरायनो थाखाय सायख'जानाय थान्दैफोर आरो सिबिल ससाइटिनि सोद्रोमाफोरजों लोगोसे गुबुन गुबुन हान्जाजों लोगो हमनो गोसो जानायखौ फोरमायदों। थानाय 70 बोसोरनिफ्रायनो नागा

आलगावबादिनि आयदाया भारतनि सभारेन्टी आरो खौसेथिनि थाखाय सेलेन्स गोनां जादों। मिरु सरकारआ बेजों जुजिनो थाखाय माखासे हाबाफारिमावदों। सरकारआ सम सम सान्थि हान्जानि जर'खा मोन्थाय बिथोनमानि नेमखांथिजों अन्जाद नायदोंब्ला सम सम नागा बिग्रायारि हान्जा

एनएससिएन (आइएम) आरो एनएससिएन (काफ्लां) खौ होबथा जानाय हान्जा महैरैबो फोसावदों। 1980 आव नेसनेल ससियेलिस्ट काउन्सिल अफ नागालेण्ड (आइएम) मुनि हिंसायारि खालामग्र अलगावबादी हान्जाखौ दाफुनायजों नागा सोमावसारनाया गोदान गोहो मोन्दों। बे हान्जानि गाहाय दैदेनगिरिफोरनि गेजेराव आइजाक आरो मुइभाया दंफादेरोमोन। बियो नागा बिग्रायारिफोरनि गोजाम दाबि दैखानायफोरखौ फोथांफिन्दों। उनाव एनएससिएन (काफ्लां) खौ नागा बिग्रायारि हान्जानि महाराव 1988 आव दाफुनाय जादों। बेनि उनाव बे हान्जाया 1975 नि शिल' एकड'खौ गनायनानै लायखै। बेजों सा-सान्जा भारतआव फिन गोजोन गैथे थासारिआ सोमजिखांदों। □

## बिरसा मुन्डानि जोनोम सानआव गाहाय मन्थि मदिआ मान बाउहरदों

गोदान दिल्ली, 15 नभेम्बर: गाहाय मन्थि मदिआ टुइट खालामनानै बुंदों भगवान बिरसा मुन्डाखौ बिनि जोनोम सानआव खुलुमो। बियो निखावरिफोरनि राफोदायमोन, जाय गोग्लैसोनाय सुबुंफोरनि थाखाय गावनि जिउ खौ बाउसोमदोंमोन। उदांसि सोमावसारनायाव बिनि बिहोमा होनाय आरो समाजयारि हाबाफारि मावनायनि थाखाय बिनि नाजानाया हादरनि सुबुंफोरखौ जेब्लाबो थुलुंगाखां होगोन। बिरसा मुन्डानि मख'जाथाव बिहोमा होनायनि जाहोनआव बिहार आरो झारखन्डआव सुबुंफोरा बिखौ भगवान बादि फुजा खालामो। सरासन्ना हा बाहागोखौ जमिदारि राहायाव सोलायनायनि जाहोनाव बिरसा मुन्डाया मुन्डा हारिखौ



लानानै बिग्रायखांदोंमोन। बिरसा मुन्डाया गावनि जेंना सुसानाय सोमावसारनायनि जाहोनआव सुबुंफोरनि थाखाय आदर्शखौ दिन्थिदों। मुन्डाया आत्माखौ गोथारे लाखिनाय, आखल-आखुखौ मोजाडै बाहायनाय आरो खौसेथिनि बिथोनखौ होदों। बियो इराज खुंथायखौ नेवसिगारदों। लोगोसेनो गावनि

उनसंगिरिफोरखौ सरकारनो खाजोना होयैनि बिथोन होदोंमोन। बियो खाजोनाखौ निमाहा होनायनि दाबि दैखानो थाखायबो सोमावसारदों। 1895 आव बिरसाखौ इराज खुंथाया ग्रेपार खालामनानै हजारीबाग जेलआव जोबनानै दोन्दों। नाथाय बिरसा आरो बिनि उनसंगिरिफोर ओन्सोलनि आंखाल जानानै दुख

मोन्नानाय नोगोरारिफोरनो हेफाजाव होनो थाखाय गोसोआव थिरांथा लादोंमोन। बेबादिनि जाहोनावनो बिनि जिउ खुंनाय समावनो बिनि उन संगिरिफोरा बिबो महापुरुषनि बिम्बु होदोंमोन। बिखौ सुबुंफोरा धरती बाबा मुडैबो गाबजि योमोन आरो बिखौ फुजा खालामोमोन। □

## भारतआ पाकिस्ताननि हाइ कमिसनखौ मावख' नागारनो बिथोन होदों

गोदान दिल्ली, 15 नभेम्बर: दिवालीनि सिगां साननि बेलासियाव दावहा दोन्थ'नायखौ सिफायनायखौ लानानै भारतआ पाकिस्ताननि हाइ कमिसननि चार्ज डि एफेयर्सखौ रेकर्ड खालामदों। दाय गैथे नोगोरारिफोरखौ थांखिनायनिफ्राय जानगाराव थानोबो बिथोन होदों। पाकिस्ताननि रैखांथि सान्थिनि गेजेरजों शुक्र बारआव अनयासनि गुबुन गुबुन सेक्टरआव दाय गैथे नोगोरारिफोरखौ थांखिनाय जादों। बेबादि मोनसे सानै-हयै बिजिरनायमोन। बेनि इयुननि थांखिया आइन राहायाव जेंना सोमजिहोनायमोन, जाय सोंखारिजाथाव। रैखांथि सान्थिफोरनि सा 5 जवानफोरनि जिउयाबो गोमादों। बेनि उनाव भारतीय सान्थिनि गेजेरजों



देंकआव थानाय गाइडेड गुन्दासाजों पाकिस्ताननि माखासे केम्पफोरखौ थांखिनाय जादों आरो गोबां गुलि गावहरनाय जादों। भारतीय सान्थिनि फिन जाथाय होनायाव पाकिस्ताननि सा 8 सान्थिफोरा थेंदों आरो सा 12 सान्थिफोरा जोखोम जादों। भारतआ चार्ज डि-एफेयर्सनो पाकिस्ताननि खोथा होनायखौ गोसो खांहोदों, जेराव बियो बुंदोंमोनदि गावसोरनि हा

बाहागोनफ्राय भारतनि हेंथाये हाबाफारि मावनाय नडा। भारतआ बुंदों, उतखारिफोरखौ हाबफैहोखोमोनो थाखाय पाकिस्ताननिफ्राय फाइरि खालामनाय जायो। □

## सोनाब बंगआव दिवालीनि समाव दाबनै जायगायाव अर खामनाय जाथाय सोमजिदों

कलकाता, 15 नभेम्बर: दिवाली आरो कालिफुजानि समाव कलकातायाव निउ टाउन ओन्सोल आरो सान्जा बर्धमान जिल्लायाव अर नांनयनि जाथाय जादों। बेवहाय गासे 50 झपड़ न'फोरा खामनानै सेवहंगार जादों। सान्जा बर्धमाननि गंसे गामियाव अर खामनानै सा 3 सुबुंफोरा जोखोम जादों। बेराफार्से निउ टाउननि गौरां नगर ओन्सोलाव रावबो जोखोम जायाखै। कलकातानि मावसुमाफोरा बे खौरांखौ होदों। गौरां नगरआव



दमकलनि गंने गारिफोरा माकेआव सौहैदों। मोनाबिलिनि 6.30 रिगायाव अर नांनयनि

खौरांखौ हरनाय जादों, बै समसिमआव गासे 30 झपड़ न'फोरा खामखांबायमोन।

बिसोरो बुंदोंदि, अर नांनयनि जाहोनखौ मिबिथिनो मोन्नाय जायाखै। दिवाली छट आरो

गुबुन फुजाफोरनि खाबुआव कलकातानि हाइ कर्टआ बम फान्नायनि सायाव थानाय सप्ताहआव होबथादोंमोन। सान्जा बर्धमान जिल्लायाव मावसुमाफोरा बुंदोंदि, बेनि सिगांनि सानआव कांकुरिया गामिनि सिडाव थानाय कैलाशपुर गामियाव खामनाय अरजों 20 निफ्राय बांसिन झपड़ न'फोरा खामदोंमोन। गिबियाव गंसे नख'रनि ओंखाम संग्रा न'आव जागायदों, बे जाहोननि थाखायनो आरोबाव गुबुन न'फोराव अरआ खामदों। □

## डनाल्ड ट्रम्पखौ हेफाजाव होनानै वाशिंगटनआव हेंथा धर्ना होदों

गोदान दिल्ली, 15 नभेम्बर: आमेरिकानि हादरगिरि डनाल्ड ट्रम्पखौ हेफाजाव होनानै खुंनाय मिलियन मेगा मार्चनि समाव वाशिंगटन डिसिआव थानाय शनिबारखालि हिंसायारि जाथाय सोमजिदों। बेवहाय ट्रम्पखौ हेंथा होग्रा आरो ट्रम्पखौ हेफाजाव



होग्राफोरनि गेजेराव बुलायनाय जादों। ट्रम्पखौ हेफाजाव होनो आरो हादरगिरि बिसायख'थिनि फिथाइनि हेंथायै बेरेखा धर्ना होनो थाखाय थानाय शनिबारखालि रोजा रोजा सुबुंफोरा आमेरिकानि राजथावनियाव थुबुर जादोंमोन। बिसायख'थियाव जेनब्लाबो ट्रम्पआ जेन्नायखौ गनायनानै लायखै। आमेरिकानि हादरगिरि डनाल्ड ट्रम्पनि सायाव जानुवारी दानआव गोदान खुंथायनि हाबाफारिखौ ट्रेन्सफार खालामनानै होनो थाखाय हादरनि गोदानै सायख'जानाय हादरगिरि जो बाइडेननि टीमजों लोगोसे हेफाजाव होनो नार्सिन्दों। जेनेरेल सार्थिसिस एडमिनेस्ट्रेसन (जिएएसए) नि सायाव बाइडेनखौ सायख'जानाय हादरगिरि महैरै सरासन्ना गनायथि होनायनि बिबान दं। बेनि उनाव खुंथायखौ ट्रेन्सफार खालामनायनि हाबाफारिया जागायगोन। □

## दिल्ली, इउपि, हरियाणा आरो पान्जाबनि आबहावाया गुबुंले जादों

गोदान दिल्ली, 15 नभेम्बर: हादरनाडै दिवालीखौ गाजा-गोमजायै फालिनाय जादों। नाथाय बे दिवालीआव हादरनि माखासे राज्ज्योफोराव आबहावा गुबुंले जानाया बांदों। आबहावा गुबुंले जानायखौ नोजोर होनानै सुप्रिम कर्ट आरो एनजिटिआ हादरनाडै पटका सावनायखौ होबथादोंमोन आरो बुंदोंमोनदि, जाय राज्ज्योनि आबहावानि गुनआ मोजां बेवहाय 2 घन्टानि थाखाय ग्रीन पटकाखौ सावनो मोनगोन। नाथाय दिवालीआव बे गासैबो बिथोन होनायखौ फालियालासे दिल्ली-एनसिआरजों लोगोसे राजस्तान, बिहार, इउपि जों लोगोसे



सा भारतनि राज्ज्योफोराव पटकाखौ सावदों। राजथावनि दिल्लीनि आबहावाया खैफोद गोनां थासारियाव सौहैदों। दिवालीनि हराव बमा पटका गावनाया दिल्लीनि आबहावाखौ गुबुंले खालामदों। दिल्लीनि माखासे ओन्सोलाव एयार क्वालिटी इन्डेक्सआ 999 सिम सौहैबाय। गुबुन फार्से इउपि, राजस्तान, बिहार, हरियाणा आरो पान्जाबयाव होबथाब्लाबो पटका गावनाय जादों, जायनि जाहोनाव सुबुंफोरा जेंनाजों मोगा-मोगि जानादों। राजथावनि लखनौआव एयार क्वालिटी इन्डेक्सआ 881 नि बांसिन जादों। नाथाय रबिबानि फुडव बेनि थाखोआ 427 जादों। □

## पाकिस्तानआ चीननिफ्राय 2.7 बिलियन डलार रां दाहार लागोन

गोदान दिल्ली, 15 नभेम्बर: पाकिस्तानआ चीन-पाकिस्तान रांखांथि गलियारा (सिपिइसि) नि मेनलाइन-1 बिथांखिनि पेकेज-1 खौ बानायनो थाखाय चीननिफ्राय 2.7 बिलियन आमेरिका डलारखौ दाहार लानो थांखि लादों। सुलुंनि बादिब्ला, एमएल-1 बिथांखिनि सायाव रांखांथि समिटिनि 6 थि जथुमआव पेशाबरनिफ्राय कराचीसिम 1,872 कि:मि: रेलवे ट्रेक बानायनो आरो बेखौ जौगाखांहोनो थांखि लादों। पाकिस्तानआ गिबियाव चीननिफ्राय 6.1 बिलियन



आमेरिका डलारनि गेजेराव 2.73 बिलियन आमेरिका डलारखौ गनायथि होनो आर'ज गाबगोन। रांखांथि

मावख'खौ फैगौ सप्ताहआव चीननो लाइजाम दैथायहरनो बिथोन होदों। मानोना बेइजिंआ फैगौ दाननि

जोबथासिमाव रांखांथि बोसोरनि यजनाफोरखौ जोबथा महर होनो थांखि लादों। थानाय मे दानआव इउएनआव पाकिस्ताननि बारग'थान्दै हु सेइन हाक्कानीआ दा डिप्लेमेटनि मोनसे लेखआव लिरदोंदि, चीनजों लोगोसे सोलोयारि खान्थिनि सोमोन्दोखौ लाखिलांनो थाखाय पाकिस्ताननि गोसो जानायनि फिथाइ महैरै 62 बिलियन आमेरिका डलारजों सिपिइसिखौ बानायनाय जादों। बेवहाय गुदि बिथा बिथांखिनि मोनसे सेटआ दं, जेराव रोंगथिया खम जादों। □

## 2024 नि हादरगिरि बिसायख'थिखौ ट्रम्पआ फिन बादायनो हागौ

गोदान दिल्ली, 15 नभेम्बर: आमेरिकानि हादरगिरि बिसायख'थियाव जो बाइडेना देरहानो हादों। आथिखालाव जर्जियानि जाय फिथाइया सोराडव फैदों, बेवहायबो बाइडेनखौ देरहासारनो हादों। आमेरिकानि मिडिया रिपर्टनि बादिब, जर्जियाआव बाइडेनआ आरो नर्थ केरलिनायाव डनाल्ड ट्रम्पआ गोबां भटखौ मोनो हादों। जर्जियाआव गोबां भट मोनायनि उनाव बाइडेनआ 16 इलेक्टेरेल भटखौ मोनो हादों। बिनि उनाव बिनि माखासे आद्रा भटखौ सानबावनायाव बियो गासै 306 भटखौ मोनो हादों। मख'नो गोनांदि, हादरगिरि बिसायख'थियाव जेन्नायनि उनावबो ट्रम्पआ बे बाश्राखौ गनायनानै लायखै। बियो बाइडेननि सायाव बिसायख'थियाव थगायनायनि दाय जाबसिन्दों। बियो ह्वाइट हाउसखौ बाइडेननि थाखाय हगारनानै होनायखौबो नेवसिगारदों। ट्रम्पनि हेफाजाबगिरिआबो बाइडेननि हेंथायै आथिखालाव बेरेखा धर्ना होदों। अब्जाभरि रिसार्च फाउन्डेसननि प्रफेसरनि बादिब्ला, ट्रम्पआ बे बिसायख'थियाव लोरबाडै जेनाखै। बियो 2024 नि बिसायख'थिखौ फिन बादायनो हागौ। □

**सुंद' सल'**

गोजाब बोथोरा थांबाड़ गोदान बोथोरा रंजा-बाजा फैलाइने हमगौ! जानोसैलाय गोसोआ खालाव-खासाव, उसाव-बादाव मोनखां हांलायबाय आंनि गोसोआ अनजालिनि खौरां मोन्नानै। गोजाम बोथोरा सिरियै थांबाड़। गोदान बोथोरा रंजा-खुसियै बयनिबो सेंग्रा-सिखला, बोराय, बुरि, गथ'-गथाइ रंजानो गोसो जायो। गोदान बोसोरखौ रंजा- बाजा हांखाइ हरो बयबो। माग दान जोबनाइ लोगो लोगोनो फागुनि बारा बारजेनो हमो। फागुन मास

हाबबोला दुफां हाबफैयो। फागुन मास हाबनाय लोगो-लोगोनो जावलिया बाराबो बारफायो। जावलिया बार बारनायजों हाद्रि-हाला गासैबो बिरफायो आरो खासि बिबार,

**फागुन बार**

थांगा बिबारफोरा बिरफायै- बिरफायै बबेबा दाबसे गोजान जायगायाव गोलेनानै गावनि जोलेखौ गालांनो थाखाय फुलि जगायो। फागु दाननि सिउ-सिउ आब्रा बार बारनाइजों जीनि गामिनि सासे नायनो मोजां सिखलानि खानाया बिरफानो

हमो। बिनि उन-उन थाबाइ फादोंसै महरगैयै सेंग्राफोरा बिखौ नुनानै गोसोआ जायो बिजों राइज्जायनो हांखुर जायो। बे जराखौ जरा खालामनो सानो आं बे अन्जालिखौ। नाथाय बहा

**फागुन बार**

मोन्नो हास्थायो गोसोआ बेखौ मोन्नो। बेसेबांबा गोबाव सम जाबाइमोन दिनेसिम गोसोआवनो मोजां मोन्नायनि बाथ्रा लानानै थानां बाय। गोसोआव खामग्लिबाय जुजाइनि अर बाइदिनो दोमो-दोमोनो बोहैबाइ मेगनाव मोदै दिने। आं दिने

सान्नाइनि लैथोआव आं गब'नो गोनं जाबाइ। दानदिसेनो आस खान्दा न'खरनि देथा-हिंथिआव गावसानो गोनं जाबाइ। थेवब्लाबोदि, बियो आंखौ सिरिये हास्थाइखोमाबावो। आंबोथ' बिनिनो थाखाय फागला जाखानायखा- सानाखैमोन आं बिदि जालांगोन होन्नानै माब्लाबो फै माल जाया जिउआव फागुन बारा बुखार लां बाय मोजां मोन्नायनि दौवलं। □

**मुसि काम्पा ब्रह्म**  
**गामि:- बुरिमारखा**  
**ला:सो:- गडिया**  
**जिल्ला:- कक्राझार,**  
**बिटिसि आसाम**

**गोसो थोफ्लांबाय आं**

गोसो थोफ्लांबाय आं नोंखौ स'ना; मा होन्नानै रायज्जायबावगोन आं नोंखौ लोगो मोनबोला सना। जाया नंड जाबाय नोंबो सासे महर गोसा नोंबो सासे महर गोसा सिखोला; फसाया नंड फसायफ्लांबाय आंनि जावलिया गोसोआबो। गोजावनांबाय आं नौनि महरावनो रायखोमा जानांबाय आं ; सुबुजों हिनजावनि फागोला बखि जानांबाय आं लामा-सामा। दोहो-दोहो खामग्लि लांडे आंनि सोलेरा दुखुनि मोदैजों लोमसाव फैयो; जेबोला नौनि हायना गोनं महरखौ गोसोखांडे हाया आं नोंखौ बावनो हाया। नौनि मिनिनाय नौनि रायज्जायनाय दिने नुयै गामोनबो नुयैनो; गोसो थोफ्लांबाय आं नोंखौ सना नों मानि-दामानि। नाथाय नागिरे-नागिरे मोनबायमोन आं सायखना नोंखौल बे जोनोमाव; मोनहां-मोनाहां जागोना जाया आंनि गोसोजों हास्थायनाया। बेयो आं अराय सम नौनि गुरे रावनि फिन्नाय सना; आंनि गेग्रेब देरानि दरखांआव।

**जाबाय आं दुथामि**

आंनि जिउनि हाहाहोगिरी अनजालु आन्जालि, बिफा बिमाफोर गावसोरनि गोसो गोबोंआव हाजासे, गोथार मिजिं लानानै दोनहरदोंमोन, दिने आंखौ टावन-सह'राव , स्कुल, कलेज फरायनो। बुरलु बुरला खालामनानै गावसोरनि बिखानि थैखौ दे खालामनानै, हरदोंमोन रोजा रोजा रां गावनि फिसानि नांगौ बादियै। नाथाय दिने मोनथिया हसिया, सह'रनि गुदुं बारजों बारफानानै गावनि सान्नाय हनायखौ सोलायबाय, बिफा-बिमानि मान-इजोदखौ बावगारबाय। लिरनाय-फरायनायआबो जाबाय लैथोनि दे दाहारआव गोजावनाय खोमस्लिफानफोरा बायदि थांखि गैयै। सानफ्रोमबो सह'रनि ग'लायावल', जौ, सिगारेट आरो थांखु सोबे -सोबे समखौ आं बारहोदोंमोन। गावनि जौमोनननि हाबिलासखौ सानहरनो सम आरो बोथोरआवो गैला आंहा, खालिबोल' नांगौ -नांगौ-नांगौ जौ, चुवा आरो सिगारेट। गिनाय, लाजिनायआबो गोमा जोबबाय, लामा सामा सिखला सासेबो बारग'लिया.... हाय! आं मादि मावफोनोखो.... थारैनो जाबाय आंबो सासे दुथामि।

**मुसि प्रफुल्ल नार्जारी**  
**ला:सो:- दतमा**

**बिकाश ब्रह्म**  
**कक्राझार**

**बिन्दिया बसुमतिरि**  
**आपलागाव**  
**कक्राझार**

**रंजालि गथ' फोरनि सौरा**

**राजखास्थियारि फिथाय**

**गोदान मुगानि सेंग्राफोर**

जेब्लाबो जैरेबो जेनिबो जेरावबो खुरखाव-खुरसि नागिरदों हनै गोजोन मिनिनाय बयबो। माब्लाबा गावनाय माब्लाबा मिनिनाय जिउआनो माथो निदानजों बुंफबनाय। सानालाय ओंखारदों आरो हाबदों थेवबो बहाथो बोरो मानसिनि लुबैनाया जोबदों, सानुं-अखा नाथि-नाजुरिफोराबो खाथिबायदों बहाथो माथो राजखास्थिजों मोनजादों। मालायबा -मालाय हनै निहिलिस्तफोराल'सो बिल्डि जोदों भट समावल'सो राइज्योजों सावरायदों अखा नायब्लानो सोरखौथो सिनायबावदों।

नाड,नाड जोंनो, दानि जुगनि सेंग्राफोरखौ लेखा, फरा रोड गारा, सिखलाफोरखौ फाग्लि खालामग्रा थगायसुला। थाथिखा नों गोदान मुगानि थिफुदला। फोथाय जाला दानि सेंग्राफोरखौ, हाय हाय मा जाबावगोन आजिखालिनि सेंग्रा देतला, लाजिनो रोडै सेंग्राफोर सि सि सि..... मटर, बाइक, सिबखावग्रा सिखलाफोरखौ नुब्ला हाय हाय। दंनाय, गैयै मिथिरोड, मटर, बाइक सिबखावग्रा' मानसिमोन नामा.... ? बिमा- बिफाखौ सनमान दोनला। गन्थ गैला बिसोरहा टाउननि ,सिखलाफ्राल' सिखला नामा... ? गामिनि सिखलाफ्रा सिखला नडामोन नामा..... ?

**बिकाश ब्रह्म**  
**कक्राझार**

**बिन्दिया बसुमतिरि**  
**आपलागाव**  
**कक्राझार**

**नोंनि अन्नायाव**

फैबाय जों सिमां मुलुगाव नुगोन माब्ला मोगथां जिउआव जारिमिन जौनि मोनसेयैनो हाबिला जौनि खौसेयैनो गोरोबबाय जरासे गोसो हे गसाइ नौनि अन्नायाव। सारा मुलुगा उन्दुनाय हरावबो नाथाय..... उन्दुवा मानो जौनि थाइब्रै मेगन खोमसि हरनि अखाफोरनि गोजों महराव सुजुयो आं नौनि अन्नायाव। सानबोलाउरियाव गब'ना खोमसि हराव सिखारना मानो रुजुनो जौलाय बिबान बिबाननि गोथार बान्था। गोसोनि दुंबुद हाबिला जाफुंगोन ना जौनि हे गसाय नौनि अन्नायाव ? सिमांनि सैनाय बेसेबादि गोमोनाय दुंबुद बिखानि फिथिखा बेखेवना फोरमायो नों लाफासयख' दावनि गारांजों सिमावआवनो रजे लुफावबाय नों अन्नायनि गोदे बिदेखौ रानखानाय गोरबोनि अमृतखौ हे गसाइ नौनि अन्नायाव

**मुसि:- बिकेस नार्जारी**  
**गामि:- लांदांपारा**  
**ला:सो:- फकिराग्राम**  
**जिल्ला:- कक्राझार**

**बुहुम मिथिंगा (चनेट)**

बुहुम मिथिंगानि बायदि मैया बिफां-लाइफाफोरादि बारजों बेसेबांबा मोजां मोजां रंजायो बेसे समायना बेसे रमायना बे बुहुम मिथिंगायालाय सारि रि बिफां-लाइफां फारि फारि न'-बां राइजो जाबायदों आइ-आफा आबे-आबौ मोनहा मिनि रंजा बाजा बुहुम मिथिंगानि सायाव बेसे समायना, बेसे रमायना, बेसे गोजोनथाव, बुहुम मिथिंगानि महरालाइ आय बे संसारालाइ।

**राना प्रताब सिंह ब्रह्म**  
**गामि: बंसिगाव (दतमा)**  
**जिल्ला: कक्राझार।**

**गोमोर लांबाय**

जिउनि थिनानै दोन्नाय बिबारा बे बुहुमनिफ्राय गोमोर लांबाय, गैलिया, बियो थारैनो आंनि सेराव गैलिया जालांबाय आंनिफ्राय बेसेबांबा गोजान। बेसेदि समायना महरमोन नौनि रायज्जायनाय दाव मैनानि गारांमोन नौनि सिबिसुलि अन्सुलि महरनि रानिमोन नों मिथिंगाजों गोरोबना थाग्रा आइजोमोन। गोसो खाडे दाबो नौनि रैरुब महरखौ बावगार लांबाय, थारैनो बावगार लांबाय, नों आंखौ बे संसाराव, सानखांयासै नों आंनि फासैं। गोसोआव दुखु हांमा होनानै मेगनाव मोदै बोहैलांहाबाय जालांबाय नों आंनि गोजान नेनानै थागोन आं अरायबो नौनि गोथौ रादाय हरनायखौ बावनाय नड, थारैनो बावनाय नड

**मुसि:- सहनलाल मोसाहारी**  
**गामि: सोनाब बिसमुरि**  
**जिल्ला:- कक्राझार, बिटिसि आसाम।**

**दानि सिखलाफोर**

बर' हारिनि सिखलाफोर टाउन बाजार होमबाथाइ जेरावबो हायलोब हायलोब गाननाया बिसिनि सुरिदार लंफेन गैया माथो नोंसोरनाव बर' हारिनि गाननाय। बायबाय नामा बायदि मैयानि गाब-गान्नाय दखना; दानाय लुनाय कृष्टि मोसानाय बायदि-आसार खांथिखौ। गैया नामा नोंसिनि गोसोयाव बर' हारिखौ जौगाखां होनायनि मिजिंक बिबादिब्ला जों बर' राइजोखौ-माब्रै मोननो; फै जों बर' हारिया बयबो खौसे जानि बर' हारिखौ जौगाखां होनायनि मिजिंक बिबदिब्ला जों बर' राइजोखौ-माब्रै मोननो; फै जों बर' हारिया बयबो खौसे जानि बर' हारिखौ जौगाखां होनायना-जौनि आखाइयावनो दं। दाजासे नोंसोर रावबो एना एनि मालाइ हारिनि आंथिं सिडव-थाबाय थानायनि सम गैला फैदो फै बयबो ज,ज; सुरदिनि जों आगान गोजों लामाजों।

**मुसि गोसोखां बसुमतिरि**  
**गामि:- मैनापु।**

**आं नौनि थाखायल**

आंबोथ नौनि थाखायल रावनिबो नड बे जोनोमआव, मोनथियाखैमोन नामा नों आंखौ मोजां मोना सान्दोंमोन रजे सिमाडव सानदों नोंजों गेलेगोन नाथाय मोगथाडव सान्दों नों माब्ला आंनि जागोन। सानै सानै सानसनो हाला आवसाव जाबाय आं नौनि समायना महरखौ बिखा सिंआव थानाय मोनबा बिदि जाया जागौमोन। नाथाय सना आं बे जोनोमआव नोंखौल मोजां मोनो नोंखौल गोसो थोयो, उसाव-बादाव आंनि गोबोंआ नोंखौल सानो मानोथाय।

**थनिजा ब्रह्म**  
**धावलिगुरि**  
**गामि: डावलाबारि**  
**जिल्ला: कक्राझार।**

**मुसि देमा मसाहारी**

## आलादा राइज्योनि एसेल’ गाहायाव बि टि आर एकर्डआ सा-सान्जा भारतनिनो बयनिखुइबो साबसिन एकर्ड: दिपेन बर’

आफादगिरि मुष्टि दिपेन बर’आ। बेखेव बिबुंधियाव बोसोनगिरि मुष्टि स्वर्गीयरीआ बुडोदि, बावयैसो सान सिगं खौरं बिजोंआव बि टि आर गोरोबथाखौ लानानै बारग’ एमपि सानसुमा खुंगुर बैसोमुथियारिआ एबसुनि दैदेनगिरिफोरखौ कक्राझारनि गैवलां फोथारव लंहरलायनायखौ जोबोद दुखु नंथाव होन्नानै बुझे। बिथाइज बि एस सि गोरोबथायव सानसुमा खुंगुर बैसोमुथियारिआ मा मा लाबोफानो हायामोन बेखौ राइजो-राजाफोरनो रोख्यै फोरमयाननै होनागो होन्नानै खालवायरौ।

मेलेमजबिजि मेलआव गाहाय आलासि महैरै बाहागो लानानै मिरु एबसुनि आफादगिरि मानगोनं मुष्टि दिपेन बर’आ बुडोदि, बर’ हारिया दिनेनि सानाव आलादा राइज्योखौ मोनफुनो हायाखेव्लाबो आलादा राइज्योनि एसेल’ गाहायाव बि टि आर एकर्ड एबा गोरोबथाया सा-सान्जा भारतनिनो बयनिखुइबो साबसिन गोरोबथा जादों होन्नानै बुझे। बे गोरोबथाखो लानानै बर’ हारिजों लोगोसे बे ओन्सोलाव राइजो जानाय मोनसेबो हारियानो गिनी गोनं जेबो बाश्रा गैया होन्नानैबो बिथाइज बुझे। बे गोरोबथानि दफाफोरा गासैबो मावफुंजाखांनायनि उनावसो बि टि आर गोरोबथाखौ एबसु, एनडिएफबि आरो इउ बि पि अ’ मानो सागान होनायमोन बेखौ बुजिगोन आरो बे समखों ब्रांदाय गोवान नेनांगो जानाय नइ होन्नानैबो आफादगिरि मुष्टि बर’आ फोरमायो।

बे हाबाफारियाव ओन्सोलनि गोबं मेलेमजबिजि आरो गुबुन गुबुन हारिनि गागि दैदेनगिरिफोरा बाहागो लाफैयो। लोगोसे मिरु एबसुनि नेहाथारि रोमदोन बसुमतारि, गेलेसु नेहाथारि गणेश बसुमतारि, बागसा जिल्ला एबसुनि आफादगिरि नृपेन बर’ आरो गोबं बिबानगिरिफोरा बाहागो लायो। ८

## बे बोसोरनिखुइ 2021 आव मुलुगनाडै:आंखालआ गोब्राबसिन जाहैगोन: जुथाय हादत

फोसावदोंदि- जुथाय हादतनि बे एजेन्सिआ गोजोननि नबेल बान्था मोन्नो हादोंब्लाबो फैगौ बोसोरा बे बोसोरनिखुइ आदारनि आंखालआव गोबांसिग गोब्राब थासरारिजों मोगा-मोगि जानांहैनो हागौ। डब्ल्वएफपि नि गाहाय देभिड बेस्तेआ बुडोदि- नरवेनि नबेल आफादआ बिसोरनि माखासे हाबा-हुखाफोरनो नोजोर होन्नानै एजेन्सिआ इयुनावबो बायदिसिना अलखद आरो रिफिउजी बादाफोरव थानो गोनं जानाय लाख लाख उखैजानांनाय सुबुंफोरनो आदार जगायनानै होनायनि थाखाय सिगांनि बायदिनो राहा-फारि आजावलांगोन। बिथाइज बुडोदि- 2020 माइथायाव आफादआ मुलुगनां हादतफोरनिफ़्राय हरनय धेननि गेजेरजोंसो बे जेनाखौ सामलनयो हादों। नाथय, जाय धोनफोरखौ 2020 आव मोनदोंमोन बेखौ 2021 आव मोनहैयाबो जानो हागौ। बेनि थाखायनो बिथाइज मुलुगनां दैदेनगिरिफोरजों बे मदत हरनायनि बागै सावरायनायव नंथाबगासिनो दइ। जाहाथे फैगौ समनि अलखदिनफ़्राय बारग’नो हायो। ८

## दिल्लीआव कभिड-19 नि गिख्वंथाव थासारि मिरुनि नख ’रमन्थिआ हरखाब मेल लिंथुमदों

केसआ गोखै बारायफिन्नो हननाय थासारिखौ नोजोर होनानै मिरुनि नख’र मन्थि अमित शहआ मोनसे गोंनांथार मेतलखौ खुंदों। बे गोनं सावयनयाय मेतआव दिल्लीनि लेइइ राइज्यो बेंगिरि अनिल बैजल, गिबि मन्थि अबिन्द केजिक्वाल आरो देहा बिफाननि मन्थि सेतेन्द्र जैयनमोनहबो बाहागों लादोंमोन। मख ’नो गोंनांदि, थानय 2 नभेम्बरखालि मिरुनि नख’र बिफाननि सेक्रेटारि अजय कुमार बल्लानि गेजेरजों खुंनाय मोनसे मेलआव कभिड-19 थासारिनि सायाव जधुमनाय जादोंमोन। अदेबानि बे मेेलनि गेजेरजों कभिड-19 नि प्रतकलखौ दिल्लीयाव ग़ाहमै फालिरैनि अजद खालामनाय जायो आरो थोंजोडै दिल्ली सरकारखौ गोदान केस बंनायनि सायाव दाय जाबसिनो। गुबुन फारसेथिं दिल्लीनि गिबि मन्थि अरबिन्द केजिक्वालआ थानाय सपनाहआव कभिडजों सुबुंफोरनि सन्देजानाय अन्जिमया अन्जिमया गोखै बारायफिन्नायनि जाहोनखौ आबहावा गुबुंलेनि थाखायनो बेबारायदि थासारिया गात्रिसि न जादों होन्नानै बुझे। मिरुनि नख’र बिफाननि सेक्रेटारिनि मासि सामलायनायाव जानाय गोनं जधुमनाय मेलआव कभिडनि गोसारनाय थासारिखौ होबथानायनि थाखाय टेस्ट खालामनाय, कभिडनि सन्देस्नायखौ थाबेनो मिथिनाय आरो गुबुन बिथिडबबो सावयनयाय जादों। दिल्लीआव कभिड-19 नि गोसारनाय आरो बे भाइइसजों सुबुंफोरनि बेरामिनि अन्जिमया बांसिन जानायखौ नोजोर होनानै मिरु सरकार जिंगासिनाय फोरमायदों आरो बे थासरिनिफ़्राय सुबुंफोरखौ रैखाथि होनायनि फारसे मिरुनि नख’र मन्थि अमित शहआ गोंनांथारै हरखाब मेलखौ खुंनाय जायो। मख’नाय जायोदि, बोसौरै हादतनि रजथवायनि गोदान दिल्लीआव आबहावा गुबुंले जानाय थासारिया सुबुंफोरनि थाना थानाय एबा सोलिनाय बिथिडव खैफोद गोनां लाबोबाब थायनखौ नुनो मोनबोनानयजों बे सभाव कभिडनि गोसारनाय थासारिया आरोबाव गोहो मोन्नायजों सुबुंफोरनि देहायाव गोदान गोदानै सन्देस्नाय पजिटिभ केसखौ मोन्नो हादों। दासादि दिल्लीआव कभिड-19 नि गोसारनाय थासारिखौ होबथानायनि गोंनांथार थांखि लानायजों माखासे रहाफोरनि सायावबो सावरयनाय जादों। मिथिनाय बायदिब्ळा गोदान दिल्लीआव शनिबारखालि कभिडजों सन्देस्जानाय सा 7,340 गोदान केसखौ मोन्नो हायो आरो सा 96 सुबुंफोरबो फाहमथाय लानाय सभाव जिउ गोमादों।

दुलाराय हादतनि गेजेरवनो कभिडनि गोसारनाय थासारिया सुबुंनि फारसे खैफोद गोनां लाबोनायजों बे सभाव सोलिफु दिवाली सभाव कभिडजों सन्देस्जानाय सुबुंफोरनि अन्जिमखौ एसे बारायनय नुनो मोनदोंब्लाबो नाथय थानाय 24 घन्टानि गेजेरव सा 42 रोजा सुबुंफोर फाहमथाय लानायनि गेजेरजों मोजाइव फैफिन्दों। फारसेथिं सा 41 रोजा सुबुंफोरनि देहायाव कभिड सन्देस्नाय केसखौ मोन्नो हादों। मोनसे सुलुंनि बायदिबैब्ळा थानाय 24 घन्टानि गेजेरव दुलाराय भारतनि गुबुन गुबुन राइज्योनि रिपटंखौ जुथानयनै गासै 41,692 गोदान केसखौ मोन्दों आरो बेनि रूजुनायाव सा 42,317 सुबुंफोर फाहमथाय लानायनि गेजेरजों मोजां हालोदआव फैफिन्नो हादों। नाथय सा 450 सुबुंफोर कभिडनि हेंथायै जुजिनायाव जिउ गोमादों। सुलुंनि बायदिबैब्ळा थानाय 45 सारनि गेजेरव दिनेनि ऑखासनाय रिपटंआनो बयनिखुइबो खमसिनि जादों। बेनि सिगं 3 नभेम्बरखालि अस्टनिफ़्राय कभिडजों सन्देस्जानाय सुबुंफोरनि केसआ गोखैनो गाहायव फेदें। आर एआव दासिम सा 88.14 लाख सुबुंफोर कभिडजों सन्देस्जानायनि गेजेरव सा 82,03 लाख सुबुंफोर फाहामथाय लानायनि गेजेरजों मोजां हालोदआव फैफिन्नो हादों। नाथय सा 1.29 लाख सुबुंफोर कभिडजों जिउ गोमायो। ८

## ट्रेकिंजों लोगोसे दावबायारिफोरनि थाखाय काजिरडानि बुरापाहार हाग्रा ओन्सोलखौ बेखेवबाय

पार्कखौ बेखेवनानै होयो राइज्योनि दै सम्पद बिफाननि मन्थि केशब महन्तआ। बेजों लोब्ळा लाखिनानै कलियाबर महकुमानि घराखटियाव थानाय बुरापहार हाग्रा ओन्सोलनि मावखुलि सेरनि हाब्रा लामायाव खुंनाय बे बेखेव हाबाफारियाव मन्थि महन्तनि अनगाथैरव कलियाबरनि महकुमा बेंगिरि बिपन नेउग, काजिरडानि सामलायगिरि पि. शिव कुमार, डि एफ अ’ रमेश कुमार गौै, नैथि हाग्रा रैखाथि हान्जानि बिबानगिरि मुकुल शइकिया, रेन्ज बिबानगिरि प्रदिप गख्माी आरो जायगानि गोबं मान गोनं सुबुंफोरा बाहागो लायो। बेखेव बिबुंधियाव मन्थि महन्तआ बुडोदि- बुरापाहार, चिरां पाहारनि ट्रेकिं आरो बान्दरदुबि ओन्सोलनि दावबायारि ओन्सोलफोराव राइज्योनि रंखांथि, समाजयारि जौगाखंनायाव मदत होदों। बेनि गेजेरजों काजिरडनि कान्वनजुरि हाब्रा लामा आरो दावबायारिफोरनो साइकेलजों थानो हानायनि खबु फैसिगोन होन्नानै बिथाइज बुझे।

मख ’नो गोंनांदि, दासादि बुरापहार हाग्रा ओन्सोलनि 22 कि. मि. लामा, चिरांपाहारनि 2 कि. मि. ट्रेकिं लामा आरो बान्दरदुबिनि 6 कि. मि. लामाखौ दावबायारिफोरनि थाखाय बेखेवनानै होयो। ८

## मिरु एबसुआ बिसां मुन्दानि जोनोम सानाव ग़ाहाम हामब्ल्वायथि हरदों

दिपेन बर’ आरो गाहाय नेहाथारि लरेन्स इस्लारिनि दैदेनाय फरायसा आफादआ ग़ाहाम हामब्ल्वायथि जासि हरनानै रूसारि बिसां मुन्दाखौ ट्राइबेलफोरनि सासे उदाशीं दावहारुमोन होन्नानै फोरमायो। एबसुआ फोथायोदि, हादतआ बिसां मुन्दानि बिहोमा होलानायखौ अरायसम गोसोखोंगोन। मख ’नो गोंनांदि, 1875 माइथायनि 15 नभेम्बरखालि एबा दिनेनि सानाव बिसां मुन्दाआ झारखान्ड राइज्योनाय जोनोम मोन्दोंमोन। बिथाइ ब्रिटिस खुंथायनि सभाव हारिनि आरो हादतनि थखाय गोबं जुजिनानै खामानि मावबोदोंमोन। 25 बोसोर बैसोसाय बिसां मुन्दाआ ब्रिटिस खुंथाय आरो ब्रिटिसनि कास्टडिआव रूसारि जादोंमोन। एबसुआ बिसां मुन्दाखौ मोनसे गोरिब नख’रनि सासे थार गोसोनि दैदेनगिरिमोन आरो समाजनि मोनफ़्रोमबो गादबजानाय, नासयजानाय, सुबुंफोरनि थाखाय अन्सायलु खामानि मावबोदोंमोन होन्नानै बुझे। बिसां मुन्दानि उदाशीं सोमावसारनायाव बिहोमा होलानाय सुबुंफोरखौ अरायसम थुलुंगाखं हांगोन कलियानै मिर्जिथियो। ८

## बीर मुंख्लंनि नख ’रनो आसाम सरकारआ 20 लाख रंखांन्थियारि मदत होगोन: गिबि मन्थि

बाश्रा सावरायनाय सभाव गिबि मन्थिया बुडोदि, हादतनि गेदेतथार सार्थनि थाखाय जिउ बाउनाय मुख्लं हरधन चन्द्र रायआ हादतनि खोसेथि गावस्रायै आरो सारबंभौमखौ अरायथायै लाखिनायनि थाखाय गोसो गोथारै जुजिनानै हादत अनफाउरनि गोजोन नेशॉन दिन्थिलादों। बीर मुंख्लंनि बे बाउसोच्नाया हादत रेखाथिनि थाखाय बयखौबो सिगंालानो थुलुंगाखं हांगोन। बीर मुंख्लंनि गोसो गोर्रा, बाउसोमनि आरो हादतनि फासं थानाय बिबानखौ सिबिलंानायनो राइज्योनि साफ़्रोमबो सुबुंखीनो गोगानाय होदों आरो हादत सिबिनायाव बाउसोमनो बयबो थुलुंगा होदों। गिबि मन्थि सनबालआ बीर मुंख्लंनि नख’रनोबो गोथौ दुखु मोन्नाय फोरमायो। गिबि मन्थिया लोगोसे बीर मुंख्लंनि बे बाउसोमनायखौ मान होनानै बिथानि नख’नो 20 लाख रं मदत व थायगोन ८

## मणिपुरनि गिबि मन्थि एन बिरेन सिंनि देहायाव कभिड पजिटिभ

मोन्दों। मुलुगनाडैनो कभिड-19 नि सन्देस्नाया दासिम गोबं सुबुंफोरनि देहायाव सन्देस्नाय रिपटंआ ऑंखारबाय थानायनि गेजेरवनो मणिपुरनि गिबि मन्थिनि देहायाव टेस्ट खालामनायनि गेजेरजों पजिटिभ रिपटंखौ मोन्नो हायो। रबिबारखालि गिबि मन्थि एन. बिरेन सिंआ गावनि फेसबुक एकाउन्टनि गेजेरजोंबो सन्देस्जानाय पजिटिभ रिपटंखौ फोरमनाय होदों। पजिटिभ मोन्नाय लोगो-लोगो गावखों सोमोन्दो लाखिनाय एबा फोनांबाब खालामनाय सुबुंफोरखौ थोबेनो टेस्ट खालामनायाव हेफाजाव होनो गिबि मन्थिआ फेसबुक एकाउन्टनि गेजेरजों फोसावो। मख ’नो गोंनांदि, दासादि गिबि मन्थिआ कभिडजों सन्देस्जानानै रैखाथि गोनं आलादा खथायाव दइ आरो गावनि देहाया मोजाइ-नो दं होन्नानै मिथिहोयो। मणिपुरव जाग्याजोगेमनाय दिनेंसिमनि गेजेरव सा 213 सुबुंफोर कभिडनि हेंथायै जुजिनानै फाहमथाय लानाय जिउ गोमाबाव। बेनि अनगाथैबो थानाय 24 घन्टानि गेजेरव सा 6 सुबुंफोरबे भाइरयसजों फाहमथाय सभाव सभाव जिउ ख’हा जानै। ८

#### दिनै बर’ थुनलाइ आफादिनि गोथार जोनोम सान 16 नभेम्बर

बर’ थुनलाइ आफादिनि जानानै आफादगिरि आरो गाहाय नेहाथारि फारियै तेन बर’ आरो प्रसात बर’ मोनहो मान बाउडरनाय फोरमायहरदों। लोगोसे बर’ थुनलाइ आफादिनि साफ़्रोमबो मारवथि फारियाफोरनो बर’ थुनलाइ आफादिनि गोथार जोनोम सान 16 नभेम्बरनि बे बुब्ब्लियाव ग़ाहाम हामब्ल्वायनाय बाउडरदों आफादगिरि आरो नेहाथारिया। ८

#### माजबातआव बिसां मुन्दानि 145 थि जोनोम सान फालिदों

बे जोनोम सानखौ फुंबबिल सभाव फिरफिला बिरहोनायजों जागयो। फिरफिलाखौ बिरहोयो बिसां मुन्दा आफादिनि आफादगिरि धीरेन राजवारआ। बिसां मुन्दानि मुसुखा सेरव बाथि फोजोडे आरो बिबर बाउयो आसमन मानकिआ। बेनि उनाव सान्जोफु 10 बाजनिफ़्रमय बोलां गवनाय बाउदयनाय खुडे। बे हबावपरिखौ बेखेवनानै होयो माजबत थनानि बिबानगिरि मिन्तु सन्दिक्ेआ। बेनि उनाव बायदिसिना खालाय-बानाय गेलेनाय खुंनाय जायो। मोनाबिलि सभाव बिसां मुन्दानि मुसुखा सेरव गं 145 बाति फोजेनानै हबावपरिखौ फोजोबनाय जायो। बाथि फोजेनाय हबावपरिखौ जागयो माजबतनि एम एल ए चरन बर’ आरो माजबतनि एस डि सि सरज सवालयो। ८

## आमेरिकाआव सानसेयानवो 1.77 लाख पजिटिभ केस मोन्दों

महामारिजों सन्देस्जानाय सुबुंफोरनि पजिटिभ केसआ शुक्रबारखालि फुंनि सप्तसिन गासै 5.43 कौटिनिबो बांसिन जाहैबाय। बेनि गेजेरव 3.78 कौटि सुबुंफोर फाहामथाय लानायनि गेजेरजों मोजां हालोदआव फैफिन्नो हायो। अदेबानि दासिम 13.17 लाख सुबुंफोर कभिडजों मुलुगनि गेजेरव जिउ गोमानंबाय। मोनसे सुलुंनि थार खेंफोरथि बायदिबैब्ळा आमेरिका हादतआव दासिम कभिडनि गोहोम गोयैनाया मिथावनयै सोलिगासिनो दं। शुक्रबार आरो शनिबारखालिनि गेजेरव 1.77 लाख सुबुंफोरनि देहायाव टेस्ट खालामनायनि गेजेरजों पजिटिभ केसखौ मोन्नो हादों। शनिबारखालि आमेरिकाआव गोखै गोसारनाय कभिडनि थासारिनि सायाव करना टाक्स फर्रजों मोनसे गोनं जधुमनाय जायो। आमेरिकानि उनाव खोला करियाआबबो दासादि कभिडनि गोसारनाय थासारिया मिथावनयै सोलिगासिनो दं। आमेरिकानि गुबुन गुबुन देहाफामसालिफोराव कभिडजों सन्देस्जानाय बेरामिफोरनि फाहमथाय होनाया गोबं जानायखौ नुनो मोन्दों। शनिबारखालि 1.77 लाख गोदान केसखौ मोन्नो हनायनि गेजेरव आमेरिकानि अरेगन आरो मिसिगन राइज्योनाय कभिड-19 नि गोसारनाया मिथावनयै जोजोद मिथावनयै जादों। बेखौ नोजोर होनानै माखासे बिथिडव होबथानाय आइनखौ बाहायदों आरो आमेरिकानि मोन 10 राइज्योफोरव दासादि कभिडनि गोसारनाया जोजोद मिथावनयै सोलिगासिनो। गुबुन फारसेथिं कभिड-19 नि सायाव राबबार्थिनि गाब गानायखौबो नुनो मोन्दों। आमेरिकानि हादतगिरि बिसायख’थियाव जेन्नायनि गेजेरवबो डनाल्ड ट्रम्पनि खुंथाया कभिड-19 नि महामारिनि सायाव जोजोद गोंनांथार रहा लायखै। मख’नो गोंनांदि, बिसायख’थियाव देरहानो हानाय ज’ बाइडेनआ फैगौ 2021 नि 20 जानुवारीखालि हादतगिरि मासिनि थाखाय समाययव लामोन।

गुबुन फारसेथिं खोला करियानि देहा बिफाननि मन्थिअ मिथिहोनाय बायदिब्ळा हादतआव कभिडनि गोसारनाय थासारिया बे सभाव 3 खोलोलाव सोलिगासिनो दं। फारियै 8 सान हादतनि गेजेरव 200 निबो बांसिन पजिटिभ केसखौ मोन्नो हादों। बेनिनो शनिबारखालि गासै 208 पजिटिभ केसखौ मोन्नो हायो। सरकार फिन खेबसेबाव इसार होदोंदि, कभिड-19 नि गोसारनाय 3 खोलोवखौ होबथानायनि थाखाय थाबेनो गोखों आइन्खौ आजावन लामोन। देहा बिफानआ बे बाश्राखौबो बुडोदि, कभिडनि गोखै गोसारनायनि बे ज़ाहोना जादों गुबुन हादतनिफ़्राय फेनय दावबायारि एबा सुबुंफोरनि थाखायनो। शनिबारखालि सा 208 नि गेजेरव 176 सुबुंफोर गुबुन हादतनिफ़्राय फैनाय। बेजों लोगोसे फ्रान्सआबबो थानाय मोनै सप्टानिफ़्राय कभिड-19 नि गोसारनाय थासरियाखौ नोजोर होनानै गोंनांथार थांखि लादों। देहा फाहामसालियाय थिसननाय बेरामिफेरनि अन्जिमया लासेनो थियबबोनो हमदोंब्लाबो नाथाय दासादि गोखै बेरामिफोरखौ नोजोर होनानै फ्रान्स सरकार जिंगासिनाय फोरमायदों। फ्रान्स सरकारनि देहा बिफानआ मिथिहोनाय बायदिब्ळा बृहस्पतिबार आरो शुक्रबानि गेजेरव गासै सा 22 बेरामिफोरखौ देहा फाहामसालियाय थिसननाय जादों। बेनि सानसे सिगं 2 एबा बुयभारखालि सा 726 बेरामिफोरखौ देहाफाहामसालियाय थिसन्दों। बेजों लोगोसे स्पेइन्आबबो कभिडनि 2 थि खोलोबनि गोसारनाया सोलिगासिनो दं। बेनि गेजेरवनो स्पेइन् सरकार कभिड-19 खौ होबथानायनि थाखाय माखासे गोखों आइन्खौ बाहायनाय जादों। ८

### प्रफुल्ल चन्द्र बरुवाआ रुंसारि जाबाय

फाहामथाय लानाय सभाव दिनें फुंनि 5.30 रिगायाव रूसारि जाबाय। थैनाय सभाव बिथाथि बैसोआ 76 बोसोर बैसो जाबायमोन। गुवाहाटीनि गागि नोपोरारि गौथुमनि गोखों सोद्रोमा, समाज सिबियारि बरुवानि थैनाया ओन्सोलआव दुखुनि थासारि सोमजियो। 1946 माइथायनि 31 जुलाइआव नगाव जिल्लानि रहायाव जोनोम मोन्नाय प्रफ़ुल्ल चन्द्र बरुवाआ उन्दे समनिफ़्रायनो गुबुन गुबुन आफाद आरो फर्रंथानज्जं लोब्ळा थाबेनानै राइजो-चक्रवर्तीआ बुडोदि, सासे गागि समाज सिबियारिनि रूसारि जानाय राइज्योनि सामलाय मावख’आव माव बिबान जोबथासिम बिबान सामलायबोनाय बरुवाआ गावनि गोंगो आसुजों खामानि मावनायनि थाखायनो बयजोंबो मिथिजाबोदों। रूसारि बरुवाआ थानाय 2004 माइथायाव आंजिर मोन्नानै गुवाहाटी चक्रवर्तीआ बुडोदि, सासे गागि समाज सिबियारिनि रूसारि जानाय राइज्योनि सुबुं समाजनि थाखाय मोनसे सुफुख’ हायै ख’हा जादों। बिथानि बिदाय जिउमनि थाखाय इसोदिनि खाथियाव आर’ज खालामनायजों लोगोसे दुखुंधिया नख ’रनिंसिमबो गावनि दुखु मोन्नायखौ फोरमायरहदों। ८

## दान मोनबानि उनाव बाघजान थाव फुंखायाव खामनाय अरखौ खोमोरबाय

बायदिसिना रहाफारि लाबाय थानाय समनि गेजेरवनो बवैसो सफ़ेनाय कानाडनि स्नाबि इउनिट मुनि गेसे ज्योथोरि हेफाजाबै बे अरखौ खोमोरनो हनाय जायो। सा 8 गुबुन हादतनि रोंगफाफोरनि नाजानय आरो स्नाबि इउनिटनि हेफाजाबै बाघजाननि थैव फुंखायाव अर नंनायखौ खोमोरनो हायो। मख’जाथावदि, सोलिफु बोसोरनि मे दाननि 27 अक्टखालि बे थाव फुंखायाव गेस ऑंखारदोंमोन आरो बेनि जाउनावनो जुन दाननि 9 अक्टखालि अर नॉजेदोंमोन। बे अरजों सा 3 अयेलनि मावफारियाफोर जिउ गोमानंदोंमोन। ८

### मुख्लं हथन चन्द्र रायनि खौरं लाहदों मन्थि प्रमिला रानि ब्रम्हआ

सावरायखंनायनि उनाव मुख्लं हथन चन्द्र रायनि नख’रनो गावनि बिर्थनिफ़्राय 2 लाख रॉनि अस्पुंथाय होबोयो। बिथाइज गिबि मन्थ्रनि बिथोन मोनोब्ळा मुख्लं नख’रनि जायरिख-जाया सासे सोद्रोमानो गावनि सुबुं अन्साय बिफानाव साखि होनो थाखायबो बाश्रा होयो। ८

## सालाकाटि दख ’रा एबसुआ मेट्टिक थाखोनि जर ’खा फोरोंथाय बादा बेखेवदों

दख’रा दुलाराय बर’ फराया आफादआ मोनसे बाख्यानाय हाबाफारि आखाइइयाव लादों। थानाय 2006 माइथायफ़िफ़्राय गुन गोनं सोलेंथाइनि सायाव हाबा मावबोनाय फरायसा आफादिनि सालाकाटि दख’रा बर’ फरायसा आफादआबो दिनें 15 नभेम्बरनिफ़्राय सालाकाटि गोजू फरायसालियाव बे जर’खा फोरोंथाय बादाखौ बेखेवयो। सानखांन्थि, गोलै ब्रिज्ञान आरो इराजी आनयदखौ लाबनै फोरोंथाय होनो गोनं बे जर’खा बादाखौ सप्टाहआव सनत्रै फारियै-रानिबर, मंगलबार, बृहस्पतिबार आरो शनिबारखालि फोरोंनाय जागोन। दिनेनिफ़्राय जागायनाय बे जर’खा फोरोंथाय बादा बेखेवनाय हाबाफारियाव कक्राझार जिल्लानि दुलाराय बर’ फरायसा आफादिनि लोगो सोलेंताइ नेहाथारि जांगिला औवारीजों लोगोसे दख’रा आफादिनि लेइइ आफादिगिरि आरो एबसुनि गुबुन गुबुन बिबानगिरिफोरा बाहागो लायो। ८

### कक्राझार आयेन फरायसालिमायाव आइ किउ ए सि दाफुंबाय

फरायसालिमाया जाबाय बि टि सिनि एबा बड’लेण्ड टेरिटरियेल रिजननि गंसेल’ नायल’-जाल’ आयेन फरायसालिमा।

बबेखानि कक्राझार आयेन फरायसालिमायाव दिने गोदानै आइ किउ ए सि मुंनि गौथुमखौ फरायसालिमानि गोरायुं थराणा प्रिता ब्रह्मनि मासि दैदेननायजों फरायसालिमा हलआव दाफुंनाय जायो। बेखौ दाफुंनायनि गुदि आरो गाहाइ जाहोनानो जाबाय – गोदान आदोब-खाइदनि गेजेरजों गुनगोनं सोलेंथाय दाफुंनाय, फोरोंगिरिफोरनि गावआरि रोंगथिं बांहोनायनि अस्सिलायै बिबिरसं नुनखौ बांहोनाय, समबादिये सोलेंथाइजों लोब्ळा गोनं बायदि आयदनि सायाव मावबादा खुंनाय, सम सम नायफामनाय, गुननि सायाव नोजेर होनाय आरो फरायसाफोरखौ हादनां थाखोनि मावबादाफोराव बाहागो लानो हायाबदि जौसं आरो खबु जाबाय।

सानजौफुनि 12 रिगानिफ़्राय जागायनाय बे हाबाफारियाव कक्राझार डाइटनि गोरायुं अनिमा नाजरींआ आइ किउ ए सि दाफुंनायनि सायाव मेहेरगोनं बिबुंधि लाखियो। बेबादिनो कक्राझार हिन्ज्वावसा फरायसालिमानि रंखांन्थि बिफाननि गाहाइ मैत्राथि सिंहायाबो गंसे फरायसालिमा महरै गोंनांथि जानाय गासै रोखोमनि गुदि बिथा आरो थारैसाफोरनि बागौ गुवारै खेंफुसारनानै होयो। कक्राझार आयेन फरायसालिमायाव दाफुंजानाय आइ किउ ए सि गौथुमनि सामलायगिरि महरै फरायसालिमानिनो गागि बिबुंगोर प्रनय आदिव्, फोनांजाब बिबानगिरि महरै सुरेश बसुमतारी, सोद्रोमा महरै फारियै डाइटनि गोरायुं अनिमा नाजरीं, कक्राझार हिन्ज्वावसा फरायसालिमानि रंखांन्थि बिफाननि गाहाइ मैत्राथि सिंहा, कक्राझार आयेन फरायसालिमानि सामलाय आफादिनि सोद्रोमा सर’दा प्रसाद मुसाहारि, कक्राझार जिल्ला बिजिरसालिनि गागि उकिल इला दास मोनहा सायख’जायो। गुबन फारसेथिं एलुमनि एबा बारग’ फरायसाफोरनि थान्दे महरै बड’लेण्ड रादाबनि मावफुं सुजुगिरि एबा उकिल निरजय इस्लारी आरो मिरु एबसुनि नेहाथारि रंगिना बरायारिआ लकेल ससाइटि नमिनि महरै सायख’जायो।

बेबादिनो आइ किउ ए सि एबा इन्टरनेल कुयालिटि एसेसमेन्ट सेलनि सानख’गिरि महरै फरायसालिमानो लाइब्रेरियानि बिजय बर’आ बिबान मोन्नायजों लोगोसे साफ़्रोमबो बिबुंगोर आरो मावदांसाफोरबो सोद्रोमा महरै थाफागोन होन्नानै फरायसालिमानिनो गोरायुं प्रिता ब्रम्हआ मिथिहोदों। ८

## कार्बि फरायसा आफादआ नागालेन्डनि हेंथायै रंखांन्थि होबथानो फोसावदों


नागालेन्ड राइज्योनि थाखाय रंखांन्थि होबथानाय मोनसे हाबाफारि फोसावो। नसुसे राइज्यो नागालेन्डनि सुबुंफोर कार्बि आंलं जिल्लायाव आयेन बेरेखायै हाबसनफेनाने आरो आस्रय लाफेनायनि हेंथायै कार्बि फरायसा आफादआ रंखांन्थि होबथानाय हाबाफारिखौ लानाय जायो। नागालेन्ड सरकारनि हेफाजाबाव माखासे नगा दुथांफोर कार्बि आंलं जिल्लानि हायाव हाबसनफेनानै आयेन बेरेखायै जायगा आवग्रिदों होन्नानै कार्बि फरायसा आफादिनि सोद्रोमाया अजद खालामदों। कर्बिआंलं गावखुंधाय गौथुम आरो आसाम सरकार जिल्लानि दखलाव थानाय हाखौ नागाआ आवग्रिनायनि हेंथायै रहा लानायनि फारसे फेलें जादों होन्नानै आफादिनि सोद्रोमाया अजद खालामो। फरायसा आफादिनि दैदेनगिरि सेमन रंकारआ मिथिहोवालि रंखांन्थि बायदिब्ळा 17 नभेम्बरखालि रंखांन्थि होबथानाय हाबाफारिखौ खुंनायनि उनावनो 20 नभेम्बरखालि बे आयदाखौ लानानै 4 घन्टा रंखांन्थि होबथानाय हाबाफारिखौ खुंनाय जागोन। आफादआ अजद खालामनाय बायदिब्ळा सिमा ओन्सोलाव नुजाथियाव जेनाखौ बोसांनायनि फारसे कार्बि आंलं गावखुंधाय गौथुम, आसाम सरकार आरो नागालेन्ड सरकारनि गेजेरव थाम खनायारि जधुमनाया फेलें जादों। फरायसा आफादआ अजद खालामनाय बायदिब्ळा थानाय अक्टबर दानिफ़्रायनो नागा दुथांफोर जिल्लानि दखलाव थानाय हायाव आइन बेरेखायै हाबफेदों आरो बे दाननिफ़्रायनो आइन बेरेखायै नागानि आवग्रिनाय थांखिआ बांसिन्दों होन्नानै मिथिहोयो। कार्बि आंलं जिल्लानि सिडव थायाव दलदलि ररेखाथि हाग्रा ओन्सोलनि बिफां-लाइफांफोरखौ दानस्रानो नागाफोर आइन बेरेखायै आस्रय लाफेदों। बे जेनानि सायाव कर्बि आंलं जिल्लानि खुंधाय आरो नागालेन्डनि डिमापुर जिल्ला खुंधया सावयनयाय जादोंब्लाबो नाथाय जेनांया सुस्रं जायाखै। ८

## बि टि आर गोरोबथानि दफाफोरा गासैबो हारि-माहारिफोरनि मुलाम्फानि थाखायसो: लरेन्स इस्लारी

फरायसा आफादिनि गाहाय नेहाथारि आरो बि टि आर गोरोबथानि सागानगिरि मुष्टि लरेन्स इस्लारीआ। मुष्टि इस्लारीआ बुडोदि, बि टि आर गोरोबथाया बेरेखा हान्जाफोर बुंनाय बायदि एसेल’ समनि गेजेरवनो खालामनाय गोरोबथा नइ। बि टि आर गोरोबथायाबे 5000 निबो बांसिन मुख्लं जोहोलाव-जोहोलावजो

## अक्षय कुमारआ दिवालीआव सावथुन राम सेतुखौ फोसावदों

गोदान दिल्ली, 15 नभेम्बर: बलिउड फावखुंगुर अक्षय कुमार आ गावनि गोदान सावथुनखौ फोसावदों। बिन रिलीज जानो गोनां सावथुन मुडानो जादों-राम सेतु। बे सावथुनआव बिखौ गहाय फाव खालामनाय नुनो मोनगोन। अक्षय कुमारआ इनस्टाग्रामआव सावथुनफ्राय गावनि फास्ट लुकखौ शेयार खालामदों। अक्षय कुमारखौ गोबां इन्ट्रेस लुकआव नुनो मोन्दों। बियो ग्रेट शर्ट आरो गोसोम गाबनि कार्ग पेन्ट गान्दों। बेजों लोगोसेनो बियो गोदोनायाव अरेन्ज गाबनि जि खानानै लादों। पस्टरआव



अक्षय कुमारनि उनाव भगवान रामनि मोनसे गिदिर सावगारिखौ नुनो मोन्दों। अक्षय कुमारनि बे लुकखौ गोबां मोजां मोन्दों। फावखुंगुरआ पस्टरखौ शेयार खालामनानै के पसनआव

लिरदों- बे दिवालीआव भारत हादरनि आदर्श गोनां, गुन गोनां, गुन गोनां भगवान श्री रामनि

गोथार नेरसनफोरखौ गोबां बोसोरसिम भारतनि सांग्रांथियाव रेखाथिये लाखिनो थाखाय मोनसे ऐरेबादि सेतु बानायो जायजों इयुन जौलैफोरखौ रामजों सरजाबनो हायो। मख'नो गोनांदि, अक्षय कुमारनि सावथुन राम सेतुखौ अभिषेक शर्माया बिथोन होदों। बेनि सिगां बियो अक्षयनि सावथुन मंगल मिसनखौ डिरेक्सन खालामदोंमोन। सावथुनखौ अरुण भाटिया आरो बिक्रम माल्हात्राया बानायदों। बेराफार्से ड० चन्द्र प्रकाश देबेदीआ सावथुननि क्रिएटिभ प्रडिउसर। □

## सलमान खानआ जुहि चावलाखौ जुलि लानो हास्थायोमोन

गोदान दिल्ली, 15 नभेम्बर: बलिउडनि फावखुंगुर जुहि चावलाया जय मेहताजों जुलि जादों आरो आथिखालाव बियो गावनि फिसाइ आरो सानै फिसाफोरजों लोगोसे गावनि जिउखौ एन्जय खालामदों। मख'नो गोनांदि, सलमानआ जुहिखौ गोबां मोजां मोनोमोन आरो बियो जुलिबो खालामनो हास्थायोमोन। बेनि अनगायै बियो जुहिन बिफाजों जुलिन बाथ्राबो सावरायदोंमोन। सलमानआ गावनि गोजाम इन्टरभिउआव बुंदोंमोनदि, जुहिआ जोबोद मोजां आरो जोबोद अन्थावथाव। गाव बिन बिफाजों जुलिन बाथ्रा रायज्जायदोंमोन, नाथाय



गनायाखै। जुहिआ 1996 आव जय मेहताजों जुलि जादोंमोन। बै समाव रावबो बिसोर सानैनि जुलिन सोमोन्दै मिबथियामोन। जुहिआ मोनसे इन्टरभिउआव गावनि लाभ स्टरीनि सोमोन्दै फोरमायदोंमोनदि, गावसोर सानैजों गाव बलिउडआव फै यैनि सिगां लोगो

मोनलायदोंमोन। सावथुन इन्डास्ट्रीआव फैनायनि उनाव गाव बिजों रायज्जायनो हायाखैमोन। नाथाय माखासे बोसोरनि उनाव गावसोर मोनसे पाटिं आव लोगो मोनलायफिन्दों। बेनि उनाव गावसोरनि रायज्जायनाया जगायफिन्दोंमोन। □

## सौमित्र चेटार्जीआ 85 बोसोर बैसोआव रुंसारि जाबाय

गोदान दिल्ली, 15 नभेम्बर: मुंदाखा बेंगली फावखुंगुर सौमित्र चेटार्जीआ 85 बोसोर बैसोआव रुंसारि जाबाय। बियो गोबाव समनिफ्रायनो माखासे बेरामफोरनि जाहोनाव देहा फाहामसालियाव थिसनजादोंमोन। डक्टरफोरनि गोबां नाजानायनि उनाव बियो मुलुगखौ नागरानानै थांबाय। 15 नभेम्बरनि सान्जौफुनि 12.15 रिंगायव सौमित्र चेटार्जी आ जोबथा हां बोदों। मख'नो गोनांदि, सौमित्र चेटार्जी नि थासारिया सानफा-एफा जेंना गोनां जालांदोंमोन। नख'रनि सुबुंफोराबो बिन थासारिखौ नुनानै दुखु जादोंमोन। डाक्टरफोरा बुंदोंमोनदि, दादा साहेब फाल्के बान्थाजों मान मोन्नाय सौमित्र चेटार्जीनि जिउआ लाइफ सापट सिस्टेमआव दडूमोन आरो बेयो जेबो बाथ्रा बुंनो हायाखैमोन। थेवबो डाक्टरफोरा नाजानोंमोन।

फेन्सफोरा सौमित्रनि थैनायाव दुखु मोन्दों। बिसोरों



ससेल मिडियाआव बिनो बिबार बाउहरदों। फोरमायनाय बादिब्ला, सौमित्र चेटार्जीखौ 6 अक्टबरआव देहा फाहामसालियाव थिसनदोंमोन। बेनि गेजेराव बिनियाव करना इन्फेक्सनबो मोन्नाय जादोंमोन। करनाजों बियो मोजां जाबायमोन, नाथाय कभिड एन्सेलपेथीनि जाहोनाव बिन देहायाव गोबां जेंना गोनां गोहोम गोग्लेदोंमोन। देहा फाहामसालिफोरनि मोनसे जर'खा टीमफोरा थानाय 40 सानफोराव सौमित्र चेटार्जीनि देहाखौ गहाम खालामनो गोबां नाजानोंमोन। मख'नो गोनांदि, सौमित्र चेटार्जीआ गावनि के रियारखौ 1959 आव सावथुन अपुर सन्सारजों जागायदोंमोन। बेनि उनाव बियो सत्यजित रेनि गासै 14 सावथुनफोराव फाव खालामदों। सौमित्रखौ खेवथाम नेसनेल एवार्डजोंबो मान होदों। बेनि अनगायैबो बिनो गासै 7 सावथुन फेयार एवार्ड आरो पद्म भुषणजों मान होखांबायमोन। □

## करना पजिटिभ केसनि अन्जिमाया गिबि खेब 5 लाखनि बाडय जादों

गोदान दिल्ली, 15 नभेम्बर: हादरआव थानाय 24 घन्टायव करनानि 41 रोजानिफ्राय बांसिन गोदान केसखौ मोन्नाय जादों। बेजों लोगोसेनो हादरआव करना इन्फेक्सननि अन्जिमाया बानानै 88 लाख 14 रोजा जादों। बेराफार्से करनानि सांग्रांथि केसनि अन्जिमाया दावखलायनानै 5 लाखनिफ्राय खमसिन जाबाय। मिरुनि गहाम देहा मावख'नि बादिब्ला, हादरआव थानाय 24 घन्टायव मोन्नाय करना इन्फेक्सननि अन्जिमाया 41 रोजा 100 जादों आरो सा 447 सुबुंफोरा थैदों। बे अन्जिमाजों लोगोसेनो गासै थैनायनि अन्जिमाया बानानै 1 लाख 29 रोजा 635 जाबाय। सुलुनि बादिब्ला, हादरआव थानाय 24 घन्टायव 42 रोजा 156 बेरामिफोरा करना बेरामखौ फेजेन्नानै मोजां जाबाय। हादरआव दासिमआव करनाजों 82 लाख 5 रोजा 728 सुबुंफोरा मोजां जाखांबाय। बेजों लोगोसेनो हादरआव करनानि गासै सांग्रांथि केसनि अन्जिमाया दावखलायनानै 5 लाखनिफ्राय खम जादों। आथिखालाव हादरआव गासै 4 लाख 79 रोजा सुबुंफोरा करना बेरामनिफ्राय मोजां जाखांबाय। अन्जिमानि बादिब्ला, हादरआव 4,79,216 बेरामिफोरखौ फाहामथाय होनो हायाखै, जाय गासै केसनि 5.44 जौखोन्दो। बे



हिसाबे इन्फेक्सनजों मोजां जानाय 93.09 जौखोन्दो जाबाय। बेराफार्से इन्फेक्सनजों थैनायनि बिबाड दावखलायनानै

1.47 जौखोन्दो दासिमआव 12 कौटि 48 लाख 36 रोजा 819 सुबुंफोरनि करमा नायबिजिनय जाखांबाय। □

(□ 2 बिलाड़निफ्राय)

आलासि जानो थाना दहाय फु डेवसो फेदों आं। बारसिखौबो लोगो मोनैया सबथा खुनसे खावसेआनो जाबाय। अब्ला अजया गिदिर गाराडजों फिनो, समर नों खोनायाखै नामा? बारसिया आलासि जानो थानायखौ बारसि आलासि जानो थानो बबाव आरो माब्ला आरो मा जादों अजयनाव सोडो आ? अजया अब्ला बुंनयसै- आलासि जानो थानायल' नडा, बियो सनस'लिनि महेस होन्नाय सेंग्रांथि थॉफादों। महेसा लाइनो बारसिखौ मोजां मोनो। महेसा बारसिमोनाव फेदोंमोन। एँबासिनो दहाय फु डेव गावसिनव लांफादों। आरो बे दानावनो बिसोर जुलि जानायबो रादाय खाखाबायनो। अजयनि बे बादि हं खुनसेथैनो बाथ्रा

बुंनया आंनि खर'आव सारअन्थाय होदों। आरो गोमोनानै सॉनायसै- बारसियालाय महेसजों माल्लानिफ्रय लोगो मोनजेनखो? सोर महेस? माबाइदि विलाड़? अजया फिनो- नै समर आं खोनानायावथ' बाथ्राया ऐरे-बाइदि महेसा एन. डि. एफ. बि.नि सारेन्डार। बियोलाइनो नै बोसोर आगोलावनो एन.डि.एफ.बि.नि आफादाव थानाय समावनो बारसिखौ मोजां मोनबोदोंनो। नाथाय न'आव थानो हायैलाय गुबुननाव थानानै से खावसे बोसोर बारसिजों लोगो ह मज्जलायाखैमोन। दा बियो सरकारनि खाथियाव गावखौ गथायनो बारसिखौ जुलि लानो सानबायनो। आं अजयखौ बुंनयसै- अब्ला आंनि बेसेबां गावबानिफ्राय मोजां मोननाया गोसो गोबोंनि अननाया...

## माबोरै बावलांनो

अजया होन्थेयो, आजिखालिनि सिख्ला। रां नुब्लानो हाव दाव खाब दाव, जायनाव गांलाब गांथाव रां थायो बिसिन थाखाय बैसो अनसुला, अननो रोंगौ। नाथाय बेखौ हले सानो रोड बियो बबेनिफ्रायख खामायदों। मा मावनानै मोन्दों आरो बिदि रांखौ बेसेबां सान मोनबाय थागोन, बिहा जीउन उदांसि दंना गैया। जानो हागौ बारसियाबो रांनि बिफांखौनो मोननाय बायदि मोनबाय। बिन खर' मेलेमखौ रांआनो फिदिंबाय। हाव दाव उसु खुथु जाथारबाय जानांगौ। माब्ला हौवाजों बाइकनि बिखुडव गाखोन पाटसानिफ्राय बरपेटार'ड, र'डनिफ्राय सनस'नि

गामि मिनि हाला हाला बेराइनो मोनगोन होन्ना। नडाब्ला साखियानो दंना बाखियानो दं। बिनखायनो खायसे सिख्लाखौ साना हवा गोसो थोवाब्ला गोसो थोथावा। नडाब्ला लानांगोनबो सहायख' हायै दुखु हांमा आरो खायसे सिख्लाखौ, मोजां मोनलायनायावनो दि जोबथा जुलिन रादाय जाबाय बेखौ हले दासानखाथार। बिदिनो बाइदि बाइदि बुंनो अजया दसे उनावनो आंखौ बिदाय लालाडो। मानोना अजया सिमला बाजारवसो थानो आंखौ लोगो लाफेदों। नाथाय आं थानो गोसो जायाखिसै। इसेबां अन्थाय बिखा बारसियादि दानो जुलि जाथारनोसै। आंहा फोथायनो गोत्राब जाथारदों। खुनु

रुखुमै हरसेखौ थानायसै आं। अखानायै फु डेवनो लोगो हमगोन सानो आं थानानै। बारसियाबो सानस'लिनफ्राय फेदोंल'थार रावबो गैया बारसिल' हारसिडेदं। बारसिन न' मोनहैप्रोमोनानो थारैनो बियो आंखौ नायख्लेदें। आं अब्लानो सानखादों- अजय बुंनय राव नंखाय नंमारा। दिने बारसियादि आंखौ नेवसिनो सान्दों बियो बिन थाखाय गिदिर बाथ्रा नडा। बेसेबां बा दुखु आरो रागाजों आं बुडो बारसि। नों आंखौ फोथायखेबख' खालाममारबाय। नोंनि अननाया थारैनो दै बानानि फेमफोनसोमोन। नोंनि रावा सालाय बिजौआव बेरखांनयसोमोन। बारसिया

न'आव हावहैयो। आं नाथाय बिखौ जेबो दुखु जानायखौनो नुवाखिसै। न' सिनिफ्राय ओंखार बोना लाइजामनि थप्ला मोनसे लाबोयो आरो आंखौ बुडो- आंखौ बावलांदो अननानै नैबे नोंनि हरनाय लाइजामखौ लांफिनदो। नों गुबुन अनजालि साइख'ना लाफिनदो? बारसिनो आं बेसेबां बा गोबोंनि अननायखौ फोरमायसेयावबो बियो आंनि जेबो बाथ्राखौनो खोमा सुवाखिसै। बियो न' सिडव थोब हावना थाहैयो। आंनि बिदिनो आं बिम्रानि सिख्लानिफ्रय मेगनाव मोदै खुगायाव खदै लाना न' फार्से गिदिंबोनाडो। नआव फेना दुखुखौ रुनुजख' हायैयाव आं जौ सरेफ लौनानै थानाडो। टेबोलाव बिजाबनि अनगा जौ बिलाड़नि बटल। आइ आफया गोबां बुजायदों। खोमा सुवाखै

आं रावनिबो बुजायनाय। मान सनमानखौ लाना आंहा लाजिरोडेजायो। बिदिनो आंनि समाइना सिमांफोरजों लोगोसे बारसिनि बिफा जगाखौ बिहावसो, बिदाखौ बिगुमै, बिब'खौ बेवायफोर लिंनो साननानै थानाय मिजिंफोरखौ थेर बेथेर खालामना बिदाय लानाय साननिफ्राय सप्टासेनि उनावनो थामारनायसे बारसिया गावनि लाइमोन बैसोनि देवलेखौ बस'ना महेसजों अरायनि थाखाय रायजो जानो। नाथाय थालांबाय आंनि बारसिखौ गोबोंजों अननाया, गोबों सिडववनो दोहो दोहो जुजायनि अर जाना। गोमोरगोन माब्ला अरा? सोरंगोन माब्ला बे आंनि हर गेजेर खोमसि गोसोआ। अराय हास्थायो आं बे फैगौ जोनोमाव बारसिनि अननायखौनो मोनफिनथोंसै। □

## गाहाम देहानि राहा

### दालि जायोब्ला इम्युनिटि सिस्टेमया बाडो



बोथोर सोलायब्ला गगा मोन्नाय आरो गुजुनाय जायो। बेबादिया गथ'फोरनाव जेंना गोनांसिन जायो। उन्दै गथ'फोरनि इम्युनिटिखौ बांहीनो थाखाय गथ'फोरखौ जोनोम जानायनि 36 घन्टानि गेजेरावनो बिमानि गायखेरखौ जाहोनांगौ। बेवहाय कलेस्ट्रल मुनि मोनसे तत्व थायो, जाय गथ'फोरनि बेराम होबथानो हानाय गोहोखौ बांहीयो। बेनि अनगायै गथ'फोरनो 6 दानसिम बिमानि गायखेरखौ जाहोनांगौ। गथ'फोरखौ

गासिबो बोथोरावनो थानो हुदा बानाय नांगौ। जेब्लाबो एसि आरो हिटरखौ बाहायनो नाड आरो रुमखौ बन्द खालामनो नाड। गथ'फोरखौ न'निफ्राय दावहा नांनो गोहो मोनो। बोथोर सोलायनायाव गथ'फोरनाव सरासन्खा गुजुनाय आरो गगा मोन्नाया देहायाव इम्युनिटिसिस्टेमआ सांग्रां जानायनि इसारा होनाय। गथ'फोरनाव एसे गगा मोन्नाय आरो गुजुनाय जायोब्ला मुलि होनो नाड। सानथाम-सानत्रे गगा मोन्नाय आरो गुजुनाया

खार।ब्ला गथ'फोरनो डोक्टरनि बोसोन लाना मुलिखौ जाहोनांगौ। गथ'फोरनो न'खराव जानाय मुवा-बेसादखौनो जाहोनांगौ। बेजों गथ'फोरा गासिबो पपक तत्वखौ मोन्नो हागोन। गथ'फोरनो जाग्रा आदाराव थानाय प्रटिन आरो के लसियाम बुंफेबनाय गायखेर, दालि, दावदै, ना आरो सुखे मेवेखौ जाहोनांगौ। दालि जायोब्ला गथ'फोरनि इम्युनिटि सिस्टेमआ बाडो। □

## गायखेर गावनाया-माखासे बेराम होबथानायव मदत होयो

माखासे सुबुंफोरा मानिना लायोदि गायखेर गावनाया गात्रि जायो। बेखौ पनिर बानायनो थाखायल' बाहाय जायो। नाथाय बेबादि नडा। गायखेर गावनाया देहानि थाखाय मुलाम्फा गोनां जायो।



(1) गायखेर गावनायाव प्रटिनआ गोबां थायो। नाथाय गायखेरा गावब्ला बिन स्वादआ गोखै जानायनि जाहोनाव बेखौ जानो मोजां मोना। बेयो मोदोम बेदरनि गोहोखौबो बांहीयो। बेजों इम्युन पावारआ बाडो। गायखेर गावनायाव बेरामजों दावहा नांनो हानायनिबो गोहो थायो। बेजों ब्लाड प्रेसारखौबो कन्ट्रल खालामनो हायो। बेखौ जायोब्ला देहायाव गात्रि रोखोमनि गोहोम गोलेया।

(2) गायखेर गावनायाव जाबाय थायोब्ला देहायाव कलेस्ट्रलखौ सामलायनो हायो। कलेस्ट्रलखौ सामलायनो हाब्ला हार्ट एटाक आरो स्ट्रक जानायनि खेफोतया बाडइ जायो। (3) गायखेर गावनायाखौ आटा नानायावबो बाहायनो हायो। बेजों रुटिया गुरे जायो आरो बेनि स्वादयाबो बाडो। बेजों लोगोसेनो बेवहाय प्रटिनखौबो थोजासे बिबांनि मोन्नो हागोन। गायखेर गावनाया मोखां महरनि जिबिबिखौबो गाहामे लाखियो।

(4) गायखेर गावनायाव बेसन, हाल्दै आरो चन्दनखौ गलायनानै मोखांनि महरावबो फुन्ना लानो हागोन। बेयो मोखांनि महरखौ जौखोलयै लाखिनायाव मदत खालामो आरो मोखांनि महरबो गुरैये थायो। (5) गायखेर गावनायाखौ दावदैयावबो गलायना जानो हागोन। बेजों दावदैखौ स्वाद गोनां मोनगोन। रुनायदावदैखौ बेवहाय गलायना जायोब्ला टेस्ट गोनां मोनगोन। बेखौ जायोब्ला देहायाव प्रटिन आरो के लसियामनि बिबाडबो बांगोन। □

सुंद'सल'

बकुल चन्द्र ब्रह्म

# आबौनि दोंसे मोन्थोर

आबौआ मैया रंसारी जानाने संसारनिफ्राय अरायनि थाखाय ओंखार लांबाय। मैयानो आबौआ गुजि बोसोर बैसोआव आथिबो होबायमोन। गोलाउ रिउ रिउ गुजि बोसोर संसारआव थानाने थानाय समाव आबौआ खुनुदिन गोब्राब ज ब्रजयाव गोम्लैफेराखैमोन। गोजों महर मुझिलानाने आबौआ सुखु गोजोन राइजो जानाने थानों। आबौआ खुनुदिन फैफिननाय नॅलिया।

आइ, आफा, आब', आबौ आरो आंखौ लानाने आबौनि संसार। आं जेव्ला बाथि थाखोआव बारखोदोंमोन। बे बोसोरआवनो आबौआ थैनाने थानों। आबौआ आबौखौ गालानायनि उनआव आबौआ हारसिडै जानाने थालादों। आइ आब' आरो आंखौ लानाने आफाया साखिमावनाने गोजानआव थानो गोनां जादों। आबौआ जेनानाने खुनुदिन गंग्लायलाडखै। गावनि जिउनि डिडाखौ हारसिडै जावलादों।

आब'आ आनि बोसोरनै गिबि। आं जे बोसोरआव बि.ए. जांखलाखौ उत्रिदोंमोन बे बोसोरआवनो आब'खौ बिलाय ह'रनाय जादों। आंहा दिनैसिम हाबा जायाखै। आइ, आफा आरो आबौ मोनहा आनि हाबाखौ लानाने आराव जागासिनो दंमोन। देग्लाय आनि हाबाया जाफुनॉसिगोमोन। आइ, आफा आरो आबौ मोनहानो आनि थाखाय हिन्जाव गोदान नायनाने दोनखादों।

मैया आबौ थैनाने थानाय दिनखालि आं थामजि बोसोर बैसोआव आगान

सुरजेनबाय। आफाया ड'जि बोसोर बैसोआव आगान होनायलाय साखिनिक्राय अबसर लानांबाय। अबसर लानायनि बैसोखौ सरकारआ बारायनाने होब्ला हम्मगौ साननाने आफाया नेबाय थानोंमोन। नाथाय सरकारआ अबसरनि बैसोखौ बारायनाने होयाखिसै। गोसो गैयाब्लाबो आफाया अबसर लानांबाय।

आफाया आसाम सरकारनि सासे अफिसारमोन। पाब्लिक सार्भिस कमिसननि आन्जाथखौ उथिनाने साखि मोनदोंमोन। अबसर लानाय समसिम आफाया जौगालानाने आसाम सेक्रेटारियेटआव जइन्ट सेक्रेटारिसिम सौहैदों। आसाम सरकारनि बेतनआ इनायनो क'म। आफाया घुस जानोबो सोलोडाखैमोन। आफाया रां-खाउरी बुधुमनोबो रोडखै। मबेबा बेंकनिफ्राय ल'न लानाने आफाया गुवाहाटीआव गंसे न'लुनाने लादों। बेवनो आइ आरो आफाया थायो। आबौआ बिसोरजों थाफाया।

आबौआ बंगाइगामिआव गावनि न'आवनो थानाने मैया थैनाने थानों। सानसेखालि आबौआ आंनो बुंनय बादिब्ला, आबौ आरो आबैनि बिमा बिफाया गोदो रंपुरआव राइजो जानायमोन। रंपुरआ दा बालादेशआव गोम्लैबाय। भारतआ उदांश्री मोननायनि गिबिआवनो बोसोरसेखालि आबौनि बिमा बिफाया गावसोरनि गोजाम न'फथिखौ गारबोनाने बंगाइगामिआव खारबोदों। बंगाइगामिआ बे समाव हाग्रा दुफ'बनाय मोनसे

जायगामोननो। बंगाइगामिआव खारबोनयनि बोसोरबानि उनआव आबौनि बिमा बिफाया सासेनि उनआव गुबुनआ थैनाने थानों। आबौआ संसारआव हारसिडै जानाने थालादों। बेनिखायनो उन्दै समनिफ्रायनो आबौआ गावनि आथिडव गसनाने हारसिडै राइजो जानो गोनां जादोंमोन।

आबौआ मेट्रिकसिम फरायनाने फरायनायखौ नागारनांदोंमोन। बियो सायहेबफोरनि मुगानि सासे मेट्रिक पास। हारसिडै थानाने थाबोनायखाय आबौआ रावनिबो सायाव सोनारनाने थानो लुबैआमोन। बे जाहोननि थाखायनो गुजि बोसोर बैसोआवबो आबौआ हारसिडै गावनि न'आव धाना-रुवाथि लानाने राम राम राइजो जादोंमोन। गोलाव स'म राइजो जानायाव आबौआ गोबां बाश्रा सोलोनो हादोंमोन। गावनि मावनाय आरो नाजानायाव आबौआ गोबां हा-हु, न'-बां, स'ना-रुपा आरो रां-खावरि सोरजिनो हादों। थैनाने थानायनि गिबि आबौआ गावनि धोन सम्पत्तिफोरखौ आनि मुडै होलांजोबदों। गाव रंसारी जानायनि गिबिआवनो आबौआ गांसे "उइल" लिरनाने गावनि गासिबो धोन सम्पत्तिखौ आनि मुडव खालायनाने गालांदों।

आबौनि नोजोर आरो बिसारआव आफाया धोन सम्पत्तिनि बिगोमा जानो हाथाव सुबुं नडा। आबौ आरो आफानि सान्थी आरो नोजोरआव आन्थोर दंलायोमोन। आफानि बादिब्ला, सुबुडा लेखा फरायनाने आखा फाखा जानांगौ आरो

मोजां मोनसे साखि मावनाने राइजो जानो लानांगौ। आफाया गावबो बे बादिनो खालायदों। बेनि बांसिन आफाया खालायाखै आरो खालायनोबो नाजायाखै। गोलाउ साखि मावनाने आफाया मैया अबसर लाबाय। थैनाने थानसे गावनि पेनसननि रांजों जानाने थानोंसै होननाने बिथांखि लाबाय।

आबौआ बुंनयमोन; : लेखा फरायनाने सुबुडा गोरों गोरा जानांगौ। सोलोनाने गाव गावखौ आखा फाखा खालायनाने लानांगौ।

आबौ आरो आफानि साननाया बे सिमल' गोरोबलायोमोन। बेनि उनआव गोरोबलायलिया। आबौआ आंनो बुंदोंमोन, : गोरों गोरा जानाने सरकारी साखि मावनायाल' सुबुंनि बिथांखि जानो नाज। सरकारि साखि मावनाने थानाने थानो हायोब्लाबो बियो गोनां आरो धोनी जानो हाया। लेखा फरायनाने बर'फोरआ रां खामायनो सोलोनंगौ। साखिआव हाबनाने घुस जानायखौ रां खामायनाय होनआ। घुस जानाया बे आइनि हाबा। गोगो आखुजोंसो रां खामायनो गोसो होनांगौ।

आबौआ बुंनयदोंमोन; : रां बुधुमनायनि आबौनि थुलुंगा मोननाने आं दिनै बोसोरबा साखि मावबाय। आं सरकारि साखि मावआखै। इन्टारनेसेनल फाइन्स क'म्पनीआव गोबां बेतन लानाने आं मावगासिनो दं। बेतननि गासिबो रांखौ आं इनभेस्ट खालायबोदों। आबौनि मोन्थोरखौ

सिगाडव। बुंदों-निजोम, आइ-आफानि सासेल' फिसा जानायलाय आं नौनि समायखौ लाखिनो हालिया। नौनि दाहा आं अराय सैनांगोन आदा। आंखौ नौं निमाहा खालाम।

गोसोआ दाहानि लैथोआव गोजाव लादोंमोनब्लाबो जोनोमगिरिखौ सिबिनायाव थरथिनाय र'जिन मेगन मोदैखौ हुगारनाने होदोंमोन आं।

र'जि समनि दाहारा मब्ला मा समाव सोरनि खाफालाव मा लानाने फेयो बेखौ रावबो बुंस' हाया। डाक्टरखौ नौं खुसि खालामनो नाज। बियो समनिनो हांखायनाय। गोरोन्थिखौ नौं गावनो खालामाखै। दायनिगिरिया नौं नडा।

गोजानाव गारि फैनायनि सोदोब। बुंदों-निजोम, आं नौनि जिउआव अराय मुगैनायनि जाहोनल' जानाने थालांबाय।

जाय समा बेसेबा सिगाडवनो गोमालाबाय बेखौ जौं जेव्लायबो मोनफिनो हालिया र'जि। गारि फेगोन। बबाव थानो नौं?--सोंदों आं।

बिखायाव गोबानाने लानाय खुदियाखौ थांखिनाने फिदो र'जिया। 'बेनि बिफाया क'कराझाराव थायो, बेयावनो थानो आं।'

टिकेट काउन्टरनिफ्राय सेकेन्ड क्लासनि टिकेट गांसे लानाने होदों आं। आनि फासं नायनाने मिनिहां, आखाय फोलावहां र'जिन अन्थाय

हारसिडै राइजो जाबोनाय आबौआ हारसिडै थांफिननायाव मोनबो दिगदारी मोननाय नडा, आं सानदों।

आबौखौ गारयैनो लानायाव आबौनि बाश्राफोरा आनि गोसोआव थांलाय फैलाय जाफैदों। आबौआ अरायबो गोजों गाबगोनां सिमां नुनायमोन। आबौहा गोखों बिथांखि थानायमोन। आबौआ आंखौ सिमां नुनो फोरोंलांदों। स्नि गाबजों गाफ'बनाय मिजिं मोखाडव लानाने दावगालांनो अरायबो थुलुंगा होदोंमोन। आबौनि थाखायनो आं दिनै गोरों, गोरा आरो गोनां जानो हादों। आबौनि थुलुंगा आरो मदद मोननाने आं संसार गिदिंबायनो खाबु मोनदों।

आनि थुलुंगागिरि आबौआ मैआ रंसारि जाबाय। बे संसारनिफ्राय अरायनि थाखाय ओंखार लांबाय। आबौआ खुनुदिन फैफिननाय नॅलिया। आबौनि बाश्राफोरखौ आं खुनुदिन खोनाने मोननाय नॅलिया। थेवब्लाबो आबौआ आनि नोजोर सान्थी आरो गोसोआव अराय थानाने थागोन। आबौनि थुलुंगा गोनां बिबुथिफोरा आनि सिमां आरो मिजिडव आबौआ अरायबो गावखौ नुजाथिबाय थाहोगोन। जिसिबां दिन सुबंहा बिथांखि थागोन, जिसिबां सम सुबुडा सिमां नुनो लाबाय थागोन, इसिबां दिन आबौआ बे संसारआव थाबाय थागोन। बे आबौखौ बिदाय होस्रानायाव आफाया फे फे फुफु गाबदों। आनि मेगन थाइनेआ मोदै दाखिजोबनायाव सानआवनो संसारखौ आं खोमसि नुदों। □

सुंद'सल'

रनेन्द्र सर्गीयारी

रडिया रेलवे जंसन। पुच-ताच एबा एनक'वारी काउन्टर मोखाडव बिखायाव खुदिया गोबानाने जाय हिन्जावा आनि फासं मिज्लौ-मिज्लौ नायहरबाय दंमोन, बे हिन्जावआ रावबो नडा-मोनसे समाव जिउनि जुलिखौ नागिरनाने आंजों दहमै सौग्राउ फैनाय र'जिसो।

रडिया रेलवे जंसनाव क्लार्क महैरे पस्तिं जानाया दिनै बोसोरसे जालांबाय आंहा। बे समनि गेजेराव रिफुजिनिक्राय हमनाने गेदेर गेदेर अफिसार साहाब लोगो मोनबोबाय आं बे जंसनाव। बिसोरनि गेजेराव दिनै हरखाबै र'जिखौ लोगो मोनगोन, बे बाश्राया आनि सान्नायनि बायजोआवमोन। एमनथि, र'जिखौ जिउनि मबेबा मोनसे बोथोराव लोगो मोननायनि हाबिलासखौबो आं नागारबायमोन। मानोना हाबानि बोसोर थाम बाग्लाय लांनयनि उनावबो आं र'जिन जेबो खौरां एबा गांसे लाइजाम मोनो हायाखै।

गथ' सासेनि बिमाब्लाबो र'जिन सिख्ला समनि जारौलि मुझिखौ बैसोआ फांथेनाने लाखिनो हायाखै। मोदोमाव जानजि सेरेत गोथां दखना, दावराय गां बायदि रोबैयाव रिजि रिजि हाजो आगरनि गोथां फायलिया र'जिन फुरसब देहाजों गोरोबफलेथारदों। जंसननि स्रो स्रो बारनाय बारव बिरफुनाय बनि दौब्लैसो खानाय, बिखायाव खुदिया गोबानाने लानाय नुथाया र'जिखौ रासिन अस्थव खालामदों।

बबेनिफ्राय फेदों र'जिया। बबैयाव थांगोन!! बेफोर बाश्राखौ मिथिनो गोसोआ बोदोर जादोंमोनब्लाबो सोंनो साहस जायाखै आं। गोसोनि बबेबा ह'न्थायाव र'जिन फासं लाजिनाय, खुद्रिनाया हेंथा होदों।

गावनि हाबायाव दान्दिसे नुजाहैनो र'जिया गावनो फैनाने ब्रा ब्रा इनभाइटेसन होदोंमोनब्लाबो र'जिन हाबायाव थानाय जायाखिसै। गोसो जानानैबो थाडखै आं। बौरै थानो? जाय गोजा सिन्दुरखौ र'जिया गावनि खुगाजोंनो आनि होन्ना बुंदोंमोन। आरो जाय खुदियाखौ आंनो होनायनि रादाय होदोंमोन बेफोर जिरातखौ र'जिया फोलानाय रावजों होखा जोबदों।

सिखावफ्रा पुलिस नुब्ला मोखां फांथेनाने खारखोमानाय बायदि एरायखेनाने थानों आं।

एसेयावनो नाथाय र'जिया आनि उन नागाराखै। "निजोम?"

## दावदाब

“र'जि, नों।”  
“दासिमबो नों आंखौ निमाहा होनो हायाखिसै?”

आनि फाव खालामनायखौ र'जिया हमनो हादोंमोन जानांगौ। नडाब्ला हरखाब र'जिया आंखौ बे रोखोम सोंखि खालामनाय नडामोन।

गमामायैनो र'जिखौ आं निमाहा होनो हाखो ना हामाराखिसै बेखौ आं गावबो बुंनाने लायोब्ला सैथोआ मोस्लेर मोस्लेर जाहैगोन। मानोना मानसिया सेलफिस। गावनि दाय-फोदोखौ फांथेनो गाव फुन्नाने बाश्रा बुंनया मानसिनि आखु।

जौनि ओन्सोलाव रां-खावरि गोनां माहाजोन दं होन्नाने बुडोब्ला खर' गंग्लायो। बिनिनो नायल'-जाल' सासेल' अन्जालि फिसा हिन्जाव र'जि।

बै समाव हाय ब्लाट प्रेसाराव गोम्लैनाने र'जि बिफाया जौनि पाब्लिक हेल्थ सेन्टारनि डाक्टर सोमबोर गयारीनो गावखौ सासे पेसेन महरै गथायनाने होआमोनब्ला जानो हागौ र'जि आरो आनि गेजेराव गावमालायनायनि बे नायजाबा जागायजेन्नाय नडामोन।

डा० गयारीनि दानाय बिलिरनाय सिबिनायाव गोदान जिउ मोनफिनदों र'जि बिफाया। जोबोरैनो साबायखर मोन्दों डा० गयारीया। साबायखर' होनो राव नागिरनाने मोनै र'जि बिफाया सानसे आलासि महरै नुजाहैनो खावलायदोंमोन डा० गयारीखौ।

बोराय पेसेनि फारसे अन्नाय गोनां डा० गयारीया सानसे सम आरो खाबु मोनब्ला थानायनि खोथा हरदों।

फेलें खालामाखै डा० गयारीआ। गमामायैनो सानसे नुजाफेमारदों आलासि महरै र'जिमोननि न'आव।

सोमो नांदोंमोन डा० गयारीया र'जिमोननि न'आव आलासि महरै नुजाफैनाने। बाश्रा सावरायनायनि गेजेरजों गयारीया मिथिनो मोन्दों जाश्र'लायनो हायै रोहो रोहो धोन-दौलतनि इउन मोनगिरि दाब्ला माहाजोना रावबो गैलिया दं होन्नाने बुडोब्ला फिसा हिन्जाव र'जि ल'थारसै। बिदा सासे दंमोन र'जिहा, थानाय दुलाराय बर' फरायसा आफातनि बड'लेण्ड सोमावसारनाय समाव पलिटिकेल केसाव थैदों।

बिफानि जिउनि रागागिरि डा० गयारीखौ खुसि खालामनो र'जिया साखा फारा जादों। जाहोनायाव

लौंहोनायाव, बाश्रा बुंनयाव आसि बिमा खेबथा खेबथा गोरोन्थिफोर जासै जासै।

जाखां लोंखां डा० गयारीया बिदायनि सम जाबाय। अब्लासिमहालागै राफोट जाखांनो हायै खाफालाव आखाय होनाने जिगानि लैथोआव गब'नाने थानाय र'जि बिफाखौ रायदावहैनाने थानाय जानायनि सोमोन्दै सुबुं रुन्थाय हैदों डा० गयारीया। बे खाबुआवनो फंसे बाश्रा बुंदों र'जि बिफाया डा० गयारीखौ।

“डाक्टर फिसा, आनि जिउनि जेबो गरन्थ गैलिया बोथोर थानायावनो फंसे बाश्रा बुंनि गोसोआव बेरेखाफोर दासान। आं थैनायनि उनाव बे नखरा जैरेबो मावरिया जानोसै। आंखौ नों बोगार नांगोन फिसा। र'जिखौ नों गावनि खालामनाने ला।”

बागदाव खांदोंमोन डा: गयारीया र'जि बिफानि बे रोखोम रावआव। थेवबो गावखौ सामलायनाने फिनदों डा: गयारीया।

“मिजिं गैयै सानस्री गोसोआव लानाया मोजां नडा। गुबुन फासं मुलिजौल' बेराम सोखानो हाया। बेनि थाखै नांगोन

बेरामिनि गोसोनि बोलो। नोंथाडा गोसोखौ हमथा। सम स'ब्ला गासाबो थिग जालांगोन। गावनि सायाव फोथायनाय लाखि।

र'जिमोनिफ्राय गिदिंबोफिननायनि उनाव गयारीया समखौ गहामै हगार हरनो हायाखै हुरा हुरा गोजाव फेदों बनि गोसो फैसालीयाव र'जि बिफानि दाहा गिलित राव, र'जिन उदां जौमोननि रुयदोब सावगारी।

हुश्रोतबाय थायोब्ला अन्थायाबो जामलाडो। र'जि बिफानि बुंनय बाश्राफोरखौ सान्दावलाय सानख्रायलाय डा: गयारीनि गोसोआबो हुश्रोत जानाय अन्थाय बाइदिनो ग'लाम जानो ?- समायना रजिया लेखाबो गोरों। मावनाय दानाय गावनि मेगन जौनो नुबोखादों डा: गयारीया। गोसोनि बबेबा दाबसे खंनयाव दहमै मेवखांबाय डा: गयारीया। र'डिखौ लानाने सुखु दुखुनि मिलौहाब संसार जानायनि सिमां।

सिबाय र'जि। बिमा-बिफानि बोसोनखौ बौरै फेलें खालामनो ?

हाबानि खालार जाखालि दै गरदसेबो लोडाखैनो र'जिया। दुखुनि दुखुगोनां बे जाथायखौ फोरमायखालि मोदै रथ'-रथ' गाबदों र'जिया आनि

बाथाव खुदियाखौ खावलायाव बिलिर-बिलिर रायदावदों आं।

‘मा मुं स'ना?’  
बिमाया फिनदों।

‘निजोम। बे खाफाल दाखुरानि जों गोरोबनाय मुंखौ मानो दोनखो?’  
‘नोंखो मोनैनि।’  
‘डाक्टारा...?’

‘र'जि बिदिब्ला नों मोनसे खामानि माव निजोम सोदोबखौ सरासनस्रा हौवा मानसिनि मुं बायदि खोनयो। ओंखायनो निजोम गुबै सोदोबनि उनाव मोनसे हांखो दाजाब देरबाव निजोम+श्री=निजोमश्री। जाया होम्बा।

हाले मिनिनाने र'जिया खंनफा माफा फिनदों। “जागोन।”

जोबथा बिदायनि समाव र'जिया फंसे बाश्रा बुंलांदों आंखौ।

‘निजोम आदा, मानसिया खानाय फुरनोसै, हाबा लादो। आं बायदि सोरबा सासेखौ।

र'जिन बे रोखोम बाश्रानि फिन्नायाव आंहा बुंनो गोसो जादोंमोन। एरैहाय-

‘हाबानि बाश्रा आं सान्थ'आखै। नौनि दाहायाव जौनाय जुजायनि अरा आनि बिखायाव गोमोर लाडागौमानि। नाथाय आनि खुगानिफ्राय जेबो सोदोब गबोयाखिसै। □

**ईस्वर चन्द्र बिद्यासागरनि सल' जथायनि साया लानानै**

## मुफुर आरो सियाल

सुजुगिरि : अनु राणी बसुमतारी

मोनसे हाग्रायाव मासे मुफुर आरो मासे सियाल थायोमोन। बिसोर सानैजों जोबोत आंगो लोगो थारमोन। सानसेखालि बिसोर सानैजों हाग्रायाव गिदिडै गिदिडै मोनसे दि जिनि हायेनआव सहैबाय। सानसे सिगां खाथिनि गामिनि सासे सुबुं थैदोंमोन। बनि खुरनाफ्रा गोथे सावफुनाय समावनो जोबोत गोब्राब अखा हानायखाय सुबुंफ्र न'आ हाखु-दाखु थाडो। गोथे खामफ्रामनाने थायो। सियाला मानसि गोथे सावफ्रमनायखौ नुनाने जोबोत रंजाखांबाय आरो गावजों लोगो गिदिफनाय मुफुरखौ बुंबाय, फेदो सुखे जौं सानैजों बे लोदो-फोदो सुबुनि मोदोमखौ

जादिनि। दिनै फुहाव सोरनि मोखां नुजेनामोन जों बिब्दि इसि मोजां थियारि थानाय आदार मोनजानो? बियो गोथैनि सिम थानाने जानो नागिरबाय।

जानो लुबैनाने सियालनि खुगानिफ्राय खुदे गनायखौ नुनाने मुफुरा बुंबाय, नुबाय सुखे, आं बिसिबां गोजौ सिनाव। नों सुबुं गोथे नुनाने बेखौ अरफ्ले-अरफ्ला खालामनाने जानो हाखु-दाखु थैसोमदों, नाथाय आंथ' गोथैखोनो दाड।

सालाख सियाला इसेबो लाजिहां जाया जासेनो बुंबाय, नंगो सुखे, नों बुंनया नंगो। नाथाय नों सुबुं गोथांखौ नुग्रोम मोना अतानो नागिरा ब्लासो आं नोंखौ साधु बुंनाने बाखायगौमोन। □

**बोसोन:** गोथैनि मोदोमखौ सनमान होनायनिखुइ गोथां सुबुनि जिउनि रैखाथि खालामनाया सावसिन।

## केप्टेन हैरि केनआ रुनिनि गेलेनाय रेकर्डखौ सिमफायनो हागौ: टीम मेनाजार



**गोदान दिल्ली, 15 नभेम्बर:** इलेन्ड फुटबल हान्जानि मेनाजार गेरात साउथगेटआ बुडोदि, स्ट्राइकार हैरि केनआ इलेन्डनि थाखाय बयनिखुइबो बांसिन गल होनो हानाय गेलेगिरि जानो हागौ। मेनाजारनि बायदियैब्ला दासान्दि इलेन्ड फुटबल हान्जायाव हैरिआ केप्टेन बिबानखौ सामलायनाने दं आरो बेनि गेलेनाया गोखौडे सोलिबाय थादों। दासान्दि गेलेनायखौ नोजोर होनानै मेनाजार गेरातआ बुडोदि, हैरि केनआ इलेन्डनि गेदेमा फुटबलार रुनिनि बांसिन गल होनो हानाय रेकर्डखौ बारनो हागौ। रबिबारखालि नेसन्स लीगनि मोनसे

गोनां मेचखौ इलेन्ड आरो बेलजियाम फुटबल हान्जानि गेजेराव मोगा-मोगि गेलेगोन। बे मेचजों हैरि केनआ हादतनि जानानै गेलेनाया गासै 50 थि मेच जाहैगोन। इलेन्डनि मेनाजार बुंबावोदि, रुनिनि गेलेनाय रेकर्डखौ सिमफायनो हानाया मोनसे सोमोनोथाव आरो जाफुसाराय जागोन। हैरि केननि गेलेनायनि सायाव हान्जाया फेगौ समाव गोखौडेनो आवागयलांबाय थागोन होनानै मेनाजार मिर्जिथियो। गुबुन फारसेथिं बेलजियामनि मेनाजार खार्ट माटिनेजआबो बुडोदि, इलेन्डनि हैरि केनआ सासे कमप्लिट स्ट्राइकार जानाने दं।

## जेनिक सिनरआ सफिया अपेन फाइनालखौ देरहानो हानाय मुलुगनि बयनिखुइबो लाइमोन बैसोनि गेलेगिरि

**गोदान दिल्ली, 15 नभेम्बर:** 19 बोसोर बैसोयावनो गेलेगिरि जेनिक सिनरआ थानाय 12 बोसोराव एटिप टाइल देरहानो हानाय मुलुगनि बयनिखुइबो खम बैसोनि लाइमोन टेनिस गेलेगिरि जानो हादों। शनिबारखालि गेलेनाय सफिया अपेननि जोबथा राउन्डनि मेच एबा फाइनाल राउन्डनि मेचखौ कानाडानि गेलेगिरि बासेक पसिपसिलनि हेंथायै देरहानो हानानै टूफीखौ दरखलाव लानो हायो। बेनि सिगां जापाननि गेलेगिरि निसिकरिया 18 बोसोर बैसोयावनो मोनसे टेनिस टूर्नामेन्टखौ देरहानो हानानै गोदान रेकर्ड खालामनो हादोंमोन। मुलुगनां टेनिस रैंकियाव 44 थि सारियाव जायगा लानानै गेलेनाय जेनिकआ कानाडानि गेलेगिरिखौ गासै 6-4, 3-6, 7-6 सेट पइन्टनि फारागथियाव फेजेनो हानानै जोबोद गोग्गानाय फोरमायनायजों लोगोसे मुलुगनि गेजेरावनो खम बैसोयाव देरहानो हानाय



गेलेनाय मेचखौ देरहानायनि फारसे गावनि गेलेनायखौ जोबोद गोब्राब जादोंमोन होनानै फोरमायो। जेनिक सिनरआ बे बोसोरनि टूर्नामेन्टखौ देरहानो हानाय 6 थि गेलेगिरि जानो हायो। बेनि सिगां गुबुन हादतनि सा 5 गेलेगिरिफोर टेनिस टूर्नामेन्टखौ देरहानो हादोंमोन। बेनि सिगां मुलुगनां टेनिस रैंकनि 2 थि गेलेगिरि रपेल नाडालआबो जेनिकनि गोखौ गेलेनायखौ बाखायदों। मख 'नो गोनांदि, रपेल नाडालआ सोलिफु बोसोरनि थानाय दानाव जालानाय फ्रेन्स अपेननि क्वार्टर फाइनालखौ जेनिकनि हेंथायै गासै 7-6 (4), 6-4, 6-1 पइन्टआव देरहानो हादोंमोन। मेचनि उनाव नाडालआ बुडोदि, जेनिकआ सासे दावगाफुनाय मुलुगनि गोखौ लाइमोन गेलेगिरि जानाने दं। बेनि बल रिटर्न खालामनाय आदोबआ जोबोद सोमोनोथाव आरो गोखौ होनानै बुंबावदों।

गेलेनायखौ जोबोद गोखौ खालामनो हानायजों सफिया अपेननि फाइनालआव सहैनो बुडोदि, सोलिफु दाननि गेजेराव आं ऑनि गेलेनायखौ जोबोद गोखौ खालामनो हानायजों सफिया अपेननि फाइनालआव सहैनो बुडोदि, सोलिफु दाननि गेजेराव आं ऑनि

## रुंसारि जतिन इस्लारि-गौतम राय गोसोखां फुटबल टूफी

बारलां क्लाब, स्पर्टस क्लाब, डिहुं एस सिआ देरहादों

**बासुगाव, 15 नभेम्बर:** सोलिफु नभेम्बर दाननि गिबि सप्ताहनिफ्राय सोलिबोनाय रुंसारि जतिन इस्लारि आरो गौतम राय गोसोखां फुटबल टूफीनि दिनेनि गेलेनायाव देरहानो हादों खान्थालगुरि बारलां क्लाब, तारांगुरि स्पर्टस क्लाब, हेनबिल जय मा दुर्गा, लातागाव एल बि एस हान्जाया। कक्राझार जिल्लानि सालाकाटि स्पर्टस प्रमटर

ससायथिनि बान्जायनायाव हरिगाव जतिन इस्लारि गेलेग्रा फोथार आरो तारांगुरि गेलेग्रा फोथाराव जु थायै खुं नाय हरिगाव गेलेग्रा फोथाराव गेलेनाय मेचखौ खान्थालगुरि बारलां क्लाबआ इउनाइटेड एफ सि हान्जानि हेंथायै 2-0 गलाव देरहानो हायो।

तारांगुरि स्पर्ट क्लाबआ हरिगाव लाइजु आफाद हान्जाखौ 2-0 गलाव फेजेनो हाबावदों।

गुबुन फारसेथिं तारांगुरि गेलेग्रा फोथाराव गेलेनाय मेचखौ खायाबारि डिहु क्लाबआ हेनबिल जय मा दुर्गा क्लाबनि आखायाव गासै 4-3 गलनि फारागथियाव जेन्नाडे। 2 थि गेलेबावनाय मेचआव लातागाव एल बि एस हान्जाया कुस्साकाति लाइमोन क्लाबखौ 2-0 गलाव फेजेनो हानानै उननि राउन्डयाव सहैनो हायो।

## इउफा इउर' कापनि थाखाय ग्रुप मेच गेलेगोन हान्जाफोरखौ फोसावबाय

**गोदान दिल्ली, 15 नभेम्बर:** मुलुगआव फुटबल क्लाबफोरनि गुबुन मोनसे देरसिन बादायलायनाय इउफा इउर' कापखौ फेगौ बोसोराव खुंनो थाखाय खुंफु आफादआ बे समनिफ्राय थियारि जादों। इउर' कापनि खुंफु आफादआ फेगौ बोसोराव खुंनो गोनां इउर' कापनि थाखाय ग्रुपनि मेच गेलेगोन हान्जाफोरनि मुंखौ फोसावना होबाय। मिथिनाय बायदिब्ला थानाय सिजननि डिपेन्डि सेम्पियन हान्जा पर्टुगालखौ ग्रुप-एफआव दोनाय जादों। बेजों लोगोसे बे ग्रुपआवनो फ्रान्स, जार्मानि आरो हांगारि हान्जाखौबो थिसन्नाय जायो। एरैहाय 3 थि खेब इउर' काप सेम्पियन जानाय स्पेइनखौ ग्रुप-इ आव दोनाय जादों। बे ग्रुपआव सुइडेन, हलेन आरो स्लवाकिया हादतनि फुटबल हान्जाखौ सायख 'नाय जायो। मख 'नो गोनांदि, 16 थि सिजन इउफा इउर' कापनि फेगौ बोसोराव खुंनो थियारि जानायखौ लानाने दासान्दि मुलुगनि फुटबल हान्जाफोर गोखौ गेलेनो नोजोर होदों। बे गिदिर कापनि बादायलायनाया सोलिफु बोसोरनि थानाय जुन दाननि गेजेरावनो खुं जानायनि



बाथ्रामोनब्लाबो कभिड-19 महामारिनि जाहोनाव गेलेनाय थासारिया साफ्रोमबो गेलेगिरि आरो नायग्रा अन्सायारिफोरनि थाखाय जाथावना नडेजों बे बादायलायनायखौ दोन्थ 'नाय जायो। खुंफु आफादनि सुलुज मिथिहोनाय बायदिब्ला फेगौ बोसोरनि 11 जुननिफ्राय 11 जुलाइ अक्टिसिम एबा दान मोनसे समसिम गेलेनाया सोलिबाय थागोन। इउफानि आफादगिरि मिसेल प्लाटिनिआ मिथिहोनाय बायदिब्ला सोलिफु बोसोराव खुंजानो गोनां इउर' कापखौ थि समावनो कभिडनि जाहोनाव खुंनो हायैनि थाखाय बे गिदिर बादायलायनायखौ फेगौ बोसोरनि जुन दाननिफ्राय खुंनो थांखि लाबाय। इउफानि आफादगिरिआ मिथिहोबावनाय बायदिब्ला इउर' कापआव

गिबि खेब भिडिअ एसेस्टेन्ट रेपारिखौ बाहायनाय जागोन। रायखानो गोनांदि, थानाय 2019 माइथायाव जालानाय 15 थि सिजन 2019 इउफा इउर' कापनि फाइनाल मेचखौ पटुगालआ फ्रान्सनि हेंथायै देरहानो हादोंमोन। इउर' कापनि गेलेनाय जांरिमिनयाव दासिम स्पेइनआ 1964, 2008 आरो 2012 माइथायाव देरहानो हादोंमोन। बेजों लोगोसे जार्मानि फुटबल हान्जायाबो 1972, 1980 आरो 1996 माइथायनि इउर' कापखौ देरहानो हानायाव जाफुसार्दों। फ्रान्स फुटबल हान्जायाबो 1984 आरो 2016 नि इउर' कापखौ देरहानो हानायाव जाफुसार्दों। बेबायदिनो माखासे हादतनि फुटबल हान्जायाबो सिगानि समफोराव मोनसे-मोनसे टूफीखौ देरहानो हादों।

## माहारियारि प्रेस साननि मुडै गिबि मन्थि सर्बानन्द सनवालनि गाहाम हामब्लायथि



माहारियारि प्रेस सानजों लोब्बा लाखिनानै आं खौरां बिजों, मोब्लियारि खौरां बिजोंखौ लानानै साफ्रोमबो खौरांगिरिफोरनिसिम गोबॉनिफ्राय गाहाम हामब्लायनाय हरबाय।

कभिड-19 नि खैफोदनि समाव खुंनाय माहारियारि प्रेस सानआ मख 'जाथाव गोनांथि महर मोन्दों। कभिड-19 खैफोदआ दुलाराय बुहुमनि सुबुं सोदोमन्थियाव गिखंथाव थासारि लाबोदों। बे खेवनि माहारियारि प्रेस साननि गाहाय आयदाफारियानो जादों "कभिड खैफोदनि समाव खौरां बिजोंनि बिफाव आरो खौरां बिजोंनि सायाव बेनि गोहोम"। गाहाय आयदाफारिनिफ्राय खौरां बिजोड बे खैफोद गोनां समाव लानाय मख 'जाथावना बिफावनि सोमोन्दै जोडे बयबो मोजाडैनो हमदांनो हागौ। बे खैफोदआ जागायनायनि उननिफ्रायनो खौरां बिजोड राइजो-राजा सुबुंफोरनि गेजेराव थार सांग्रिथि सोजिनायाव मख 'जाथाव बिफाव लानानै फेदों आरो बेनि फिथाइ बायदियैनो राइजो-राजा सुबुंफोर देहाआरि बिथिनि नेमखांथि फालिनायजों मा रोखोमै बे खैफोदखौ होबथानांगौ बेनि सोमोन्दै एसेयैब्लाबो गियान मोनफुनो हादों। माहारियारि प्रेस साननि बे गोथार बुब्लियावनो आं कभिड-19 नि समाव खौरां फोसावनाय बादिनो मख 'जाथावना गोनांथार हाबायाव नांथावनाय बे खैफोदआव सैनानै जिउ गोमानानाय साफ्रोमबो खौरांगिरिफोरनो मान बाउहरबाय। खौरांगिरिफोर गावनि जिउखौ देरसिन सानालासैनो बे खैफोदनि समाव राइजो-राजा सुबुंफोरखौ सांग्रां जानो जैरेबायदि सिबिथाय होनानै फेदों बेयो गमामायैनो बाखायथाव। इयुनावबो खौरां सिबियारिफोर बे महामारिनि सोमोन्दै राइजो-राजा सुबुंफोरखौ सांग्रां आरो साग्रिद खालामनाय हाबाआव बिबान गोनाडै नांथावगोन होनानै मिर्जिथिबाय।

खौरां बिजोंखौ सुबुं तन्नि ब्रैथि खाम्फा महैरै गनायथि होनाय जायो। गनतान्त्रिक राहाखौ गोखौंथार खालामनानै लाखिनायाव खौरां बिजोड मख 'जाथावना बिफाव लानानै फेदों। गोग्गो सान्नाय-हनायनि फोसावनाय मानसिफोरनि थार सान्नाय-हनाय बिजिरनायाव खौरां बिजोड अरायसम गोथों लामा दिन्थिनानै फेदों। नैजिसेथि जौथायनि गोखै खारथाय आरो जौगाखालु समाज राहाखौ थि लामाजों लांनयावबो खौरां बिजोड मख 'जाथावना बिफाव लानानै फेदों। सरकारि बिथांखिफोरखौ सुबुं अन्सायलु खालामनाय आरो राइजो-राजा सुबुंफोरनि जेना-जेगोनानि फारसे सरकारि नोजोर बोहोनायै जौगाखानाय आरो सुबुं फोनांजाबनि हान्थिनायाव मदत होनाया जोबोरैनो गोनांथार। खौरां बिजोड बे बिबानखौ फालिनानै फेनायनि थाखायनो मोनफ्रोमबो हान्जायानो गोदान नोजोरजों सिगानानै थानो हानाय जादों। समाजआव मर्यादाजों थानानै थानायनि थाखाय मोनफ्रोमबो हारि-माहारिनि गोनांथार जानाय हास्मि आरो जांरिमिनारि नेसॉनफोरखौ फोसावनाय बिसोरनि गोसोयाव फोथायनायनि लामा होनायाव खौरां बिजोड मख 'जाथाव बिफाव लानानै फेदों। आधिखालनि समाव खौरां सिबिथाय होनायाव नुजानाय जेनाफोरखौ सामब्लायनो थाखाय गासैबो रोखोमनि मदत होलायनायनि नोजोरजों बयबो सिगांबोनांगोन।

माहारियारि प्रेस सान फालिनाया जौनि खौरांगिरिफोरखौ मर्यादा होनायजों लोगोसे बिसोरखौ गोबांथार सिबिथाय होनायनि गोसोजों सिगांलांनयनि थाखाय थुलुंगाखां होदों। माहारियारि प्रेस साननि बे गोथार बुब्लियाव आं साफ्रोमबो खौरांगिरिफोरनो फिन खेबसेबाव गाहाम हामब्लायहरनायजों लोगोसे बयनिबो गोग्गो देहा हास्थानानै अबंलाउरिनि खाथियाव आर'ज गाब्बाय।

*(सर्बानन्द सनवाल)*

गिबि मन्थि, आसाम

गुवाहाटी  
16 नभेम्बर, 2020

Janasanyog/D/7057/20